

嘉泰吳興志

吳興志卷十五

宋談鑰撰

縣令題名

烏程縣

烏程之名在郡之前數百載昔之令卽今之守也其人
多其責重矣舊編載縣事題名以爲縣自秦漢至吳寶
鼎以前爲令者不見於元記自晉及唐號賢令者劉秀
之江秉之沈憲孔琇之韋承慶李清凡六人其外統記
有計荆晉史有羊不疑梁柳惲吳興集有鮑祺唐顏真
卿放生池碑有李晤昇望記有裴抗興善寺碑有米集
舊圖經有李何十三人而已本朝慶歷四年李從始立

石刻題名自咸平元年李團以下其前亦不可攷其雜見他記者惟徐禹旻王懷穗端拱中瑞相院碑有周吳又何稀疏而罕聞也今歷攷史傳諸書自吳至唐得二十二人視舊加增矣尙懼其有遺也姑編次以便觀覽吳萬彧 統記云以茂才歷州從事烏程令見吳書姚憲 統記云武康人爲烏程令

計荆 統記云荆爲烏程令

晉司馬颺 晉司馬颺河內人將爲烏程令在建康遇戴洋後遷太山太守加振威將軍

陶範 世說云王修齡嘗在東山甚貧乏陶胡奴爲烏程令送一船米遺之卻不取範小字胡奴

羊不疑 南史羊欣父也王獻之爲守不疑爲烏程令
宋盛曇泰 宋彭城王義康傳烏程令盛曇泰

劉秀之 南史云字道寶東莞莒人又爲縣令著能名
遷建康令

江秉之 南史云字玄叔濟陽攷城人爲烏程令以善
政著名東土徵爲建康令

齊孔琇之 南史云會稽山陰人爲烏程令有吏能遷
通直郎後爲郡太守

沈憲 南史云字彥璋武康人爲烏程令甚著政績太
守褚彥回歎美以爲方圓可施

梁鮑禕 梁柳惲集有烏程令鮑禕統記柳惲爲吳興

刺史上嘉禾表云烏程令鮑禎狀解嘉禾一莖六穗
傅瑛 南史天監中傅瑛爲烏程令卒於大中大夫
王偉之 南史王韶之傳父偉之爲烏程令韶之因居
境好史籍博涉多聞

唐韋承慶 唐韋承慶子延休儀鳳中由太子諭善出
爲縣令政化流行民爲刻石頌德立於縣門西廡號韋
公政碑

李清 唐李清大歷中爲縣令忠肅明亮以將其身清
簡仁惠以成其政絃歌二歲而流傭復者六百餘室廢
田墾者三百頃浮客輻湊迨乎二千種桑蓄養盈於數
萬官政有刻石之埃吏廚有餐錢之資崇本經用率皆

如此見顏真卿西亭記

李晤 大歷中顏真卿放生池碑烏程令李晤又李蟾修縣廨記云晤生相國紳於廨舍

裴抗 會昌中昇望記烏程令裴抗

李蟾 乾寧三年烏程令李蟾修廨舍有記

李集 見興善寺碑

李何 見舊圖經注

嚴謀道 見統記烏程荻塘開元中縣令嚴謀道重開

宋周英 端拱中爲烏程令見瑞相院碑

徐禹号 名見續圖經舊編

王懷德 名見續圖經舊編

李團 舊編云本朝慶歷四年縣令李從始立題名記
自咸平元年李團以前皆追書之繼李從之後者相續
而錄以至於今

徐宗孟 滕從 張鑒 許耀卿 尙森 蘇耆 張

化基 滕喬 楊文友 閻見賢 方仲弓 趙宗古

關魯 王陸 陸廣 王稷 李咸 詹庠 李從

慶歷四年立縣令題名 朱思道 史言 石元之 閻正立 吳

咸 陳洙 梁端 李茂直 錢顗 周演 陳察 林愈

虞策 朱剛 孫雲 施邁 胡徹 江翊 王玠

郭忠卿 俞偉 周定民 姚滂 林成 趙澤民

李仲愈 郭儀 姚沆 王居仁 錢令問 林玘

單萃 董時敏 王棠 向汲 霍文炳 鄧植 趙
善良 朱振 林思茂 陳深 李遼 陳宏 王興
慈 邵大寧 夏翌 王元圭 陶之真 潘淵明
詹儀之 范彬 俞友 俞端禮 蕭德藻 王涓
莊璋 趙善興 徐峻 陳序 張適 趙彥衛 葉
蕤 唐叔翰 魯开 金之堅 潘霆 魏震

歸安縣

縣創於太平興國七年時卽有令至元豐丙寅歲縣主
簿吳同卿始搜故籍得淳化二年以來二十六人書於
壁縣令蔡瑗爲之序後十年紹聖丙子歲令楊郊始刻
之石自後相續書刻以至於今備列如後

劉驤 李朴 盧幹 嚴儒 滕高 韓某 李餘慶

李迪 劉拱 丁日新

戴顒 天聖四年七月以太常博士知縣事臨民未朞
治具大舉先是邑人以物產久虛而茶賦不除土敝無
出齊民愈困公乃藉數之贏少第戶之豐乏審地置而
均其課由是鄉亭絕追捕之苦縣有崇禮萬歲二鄉人
多澤居罕務力稽資橘山之鹽以冒禁公喻以理法民
遂革業務農私室漸實園扉薦空戊辰歲召還而二鄉
之民立祠於射邨永興寺鄉貢進士張先記石刻在寺
孫元 張唯 沈兼 楊仲元 劉仁化 唐諷 楊
濟 元居中 謝仲 林震 李杲 崔表臣 諸程

李鈞 丁禧 虞肇 鄭惇惠 杜慶長 柯述

劉俚 邢端 王華老 蔡瑋 毛直友 梁鐸 楊

郊 李元 劉藩 胡知柔 何諒直 齊定國 張

興中 李景亮 劉蒙 林豈 錢耕

俞俟 字居易郡之人也尙之孫宣和中浙右經方寇
之擾州縣多闕守令俟知真定獲鹿縣辟爲歸安縣縣
在郡邦人多難之乃預定規模處之以公朱勳請括諸
路隱匿田縣獨不與鹽法屢變私販者罪甚重縣獨寬
之葛勝仲知州事待俟甚厚或至縣治與之談後仕至
敷文閣學士所至有治聲人稱爲吏師

潘騫 葉夢齡 竇深 蔣循祖 張枏 魯謨 莫

近王法臣

俞垓

馬迴

重建宅堂并雙桂堂

宋松年

朱

搏趙善愧

郭遂良

霍文郁

侯克國

王綜

蔡瑀

王駟

盧溶

俞希尹

子應符

魏興祖

王寧

施廣國

林思聰

黃舉

林一鳴

周庭藻

馮

必大

俞應符

鄭昭先

長興縣

長興縣自晉初置令之後以名見於史傳諸書者晉有

陳達齊有何敬叔范岫庾沙彌陳有謝夷吾唐有鉗耳

知命朱自勉權逢吉潘虔紹興八年縣令張琮始哀聚

宋朝太平興國中錢氏納土以後縣令姓名刻石寘於

廳事今併錄之

晉陳達 南史陳紀晉太尉準之孫達爲長城令悅其山水遂家焉嘗謂所親曰此地山水清麗當有王者興二百年後我子孫必鍾斯運

齊何敬叔 南史傳何敬叔爲長城令有能名在縣清廉不受禮遺夏節至忽榜門受餽數日得米三千餘斛他物稱是悉以代貧民輸租

范岫 南史傳范岫仕梁官至祠郎尙書爲齊長城令時有梓木小箱至數十年經貴遂不改易

庾沙彌 南史孝義傳庾沙彌至孝卒於長城令

陳謝夷吾 舊編陳始興王發謝安墓安裔孫長城令夷吾徙葬於三鴟山

唐鉗耳知命 唐志

朱自勉 見顏真卿放生池碑

權逢吉 舊圖經西湖久廢元和中刺史范傳正命縣令權逢吉去塘中白及決堰以復古迹

潘虔 舊圖經西湖咸道中縣令潘虔重修

宋尹克勤 郭同節 王和白 李贇 魏拱 喬文

郁 張諫 潘濬 歐陽徒 鞠仲義 王翌 馬宜

王樞 袁旦 魏嗣宗 俞良儒 張合 朱辰

宋穆 唐嗣 劉舉 馮彭 柳察

林槩 舊編寶元中爲令時邑人猶未知學槩爲闢庠序置生員身自誨飭講論經籍日出視事日昇詣學抵

夜而歸寒暑不倦由是邑之登科者接踵後其子希守
吳興邑之更隱堂序賓亭皆有長篇刻之石

裴大亮 閻革 任凱 趙元儀 許遵 郝承 方

謹德 侯賓國 張朴 汪濤 蕭汝器 葉棐恭

吳濤 劉仲章 劉愁 陳知源 陳之才 郭剛

王述 吳旦 董若 陳知恕 黃頡 顧長民

張彥輔 謝伯宜 林露 林髦 張瑱 許宸卿

黃素 宋昌 蔡圭 吳昇

陳吉老 舊編宣和中爲令方寇之變人情誦誦縣東
有竊發者千餘人公以死誓吏民整卒伍攻之手誅鋤
千餘人縣獲安堵

徐文虎 李正邦 毛欽悅 王勳 葛彥成 張琮
常因 黃偉 趙子卓 劉授之 蔡圻 陳叶
計顥 呂僧護 曾惔 方釋之 劉邦光 張維
顏度 鄭熊 林大中 趙彥光 趙師復 吳兢
錢師悅 陳擴 慕容縱 李樞 陳鈞 向士斐
黃由已 董與幾

武康縣

武康縣初名永安置自漢之初平令長之說舊矣自吳
以至六朝舊編謂可書者五人晉賀循宋朱齡石齊傅
琰梁何遠陳殷不佞宋書又有庾肅之唐顏真卿放生
池碑有李漢張士若吳興統記有慶澄大慈寺鐘銘有

韓章又有宋朝張直淵應廟碑有唐劉訥餘英志又增
陳沈峻一人今參攷諸史記傅琰在宋殷不佞沈峻在
梁庾肅之在晉又晉有袁猷孔欣之梁有伏挺樂藏唐
有獨孤及諸人皆有行事故併舊編所載及其事迹列
之於後若夫題名始立於紹興初之鍾燮斷自祥符六
年王素以後至今聯續以書其政績有著見者并附之
下云題名衢州判官陸彥昭爲序

晉賀循 晉書賀循字彥先舉茂才除武康令俗多厚
葬及有拘忌停喪不葬者循皆禁之政教盛行鄰城宗
之久不進序顧榮陸機陸雲表薦之曰武康令賀循德
量遂茂才鑒清遠服膺道素風操凝峻歷試三城刑政

肅穆才望資品可尙書久之召爲太子舍人

袁猷 晉書袁瓌傳弟猷字申甫少與瓌齊名俱渡江
瓌爲丹陽猷爲武康兄弟列宰名邑論者美之

庾肅之 南史沈道虔武康人居縣北石山下孫恩亂
後饑荒縣令庾肅之迎出縣南廢頭里爲立宅臨谿山
水之玩時還石山精廬

孔欣之 南史沈道虔居武康鄉里少年相率受學道
虔常無食立學武康令孔欣之厚相資給受學者咸得
有成

宋朱齡石 南史朱齡石宋武帝剋京城以爲建武參
軍遷武康令縣人姚係祖專爲劫掠郡縣不能討齡石

至縣僞與之厚召爲參軍係祖出應召齡石斬之掩其家悉殺其兄弟由是一郡得清

傅琰 南史傳傅琰字季圭仕宋爲武康令縣人稱之傅聖賜爵新亭侯時稱傅氏有治縣譜子孫相傳不以示人

梁何遠 南史何遠字義方爲武康令厲廉節除淫祀正身率職人甚稱之太守王彬行部諸縣皆盛供帳以待至武康獨設糗水而已彬去遠送至境進斗酒隻鵝而別彬戲曰卿禮有過陸渾將不爲古人所笑乎武帝聞其能擢爲宣城太守自縣爲近畿大郡近代未有也樂藏 南史沈顥傳梁天監四年北大舉南侵樂藏爲

武康令以顗從役到建業揚州別駕陸任以書與吳興太守柳惲責其不能甄善別賢惲卽表停之顗有至行而藏俾從役藏之慙宜甚於惲姑誌之以爲爲令者之戒

伏挺 南史伏挺天監中爲武康令

沈峻 南史梁時爲中書通事舍人出爲武康令卒官殷不佞 字季卿梁承聖初爲武康令時兵荒饑饉百姓流移不佞循撫招集襁負者以千數

唐慶澄 統記廣德元年袁晁賊傾陷浙右縣人朱泚沈皓舉亡命之徒以應之縣郭民居悉爲灰燼二年寇平左兵曹參軍慶澄兼武康德清二縣令於瓦礫荆棘

之場創置室宇卽前谿北古趾築城開塹伐本開徑入
虎豹之穴織蓬編箬爲棟宇之覆仍散文牒召逋亡者
還業未滿歲色復其舊期年繁庶過半皆澄力也

李漢 見顏真卿放生池碑

張士若 同上

獨孤及 餘英志唐獨孤及爲武康宰嘗作亭於山因
名其山曰獨孤有遺趾存見獨孤山下

劉訥 統記元和七年邑境旱縣令劉訥以響潭靈異率僚
屬祈禱應時靈霽見響潭下

韓章 大慈寺神鐘記縣令韓章撰鐘大歷五年僧神
晤鑄詳見神鐘下

宋王素 孫允迪 陳高 王圭 何湜 王鞏 王

易簡 張仲回 趙樵 陳杲 張熙 蕭傳 尹迪

佺孝恭 朱東之 羅本之 李恭敏 王震始見盡心

堂

宋恭禮 劉傑 謝景山 吳子襄 駱復 冷

源 梅澤 陶兌 李景元 李備 韓宗堯 卓

厚 張祖良

毛滂 舊編云毛滂字澤民元符二年爲武康令慈愛

惠下政平訟簡時旁邑多歉惟武康豐穰公餘多暇尋

訪山水發諸文章蘇公軾嘗以文章典麗可備著述科

薦之及見餘英志邑之亭館多所剏建游覽篇詠並在

東集堂

梁倚 馬弼 李恆 陳惟仲 齊敦復 許觀光
畢沖 朱容 范鎔 趙子巽 莊必強 莊璫
鍾燮 餘英志云建炎兵火縣堂悉爲煨燼紹興二年
鍾燮爲令始復營建重門之內有敕書樓廳事之東有
室曰公主明於西園池上建清心堂卽毛令漁磯鶴巢
之地也

朱芑 陳泰初 湯穆 范晉 李衡 劉坦 曾悌
郭知微 薛居實 曹絳 湯駿 張端友 許駿
趙思旦 王緯 蔡霖 張棠 韓亞卿 何挺
程九萬 餘英志云下車未幾首訪儒士凡所施設動
可觀仰邑有頑民與姦胥爲囊橐盜占縣治地以罔市

利乃籍其姦賊繩之以法縣以肅清秩滿攀餞追送閭巷爲空在邑所作詩章百餘篇號松桂林集又和毛東塘題詠邑人編爲毛程倡和錄

辛世德 魏中復 丁大聲 魏剛中 趙崇規 馮多祉 徐逢

德清縣

德清縣置自唐天寶以來題名不立見於柳文者柳察躬見於放生池碑者范銘見於詩詠者有喻冕而已本朝慶歷壬午歲縣令劉景始刻石自太平興國三年吳越納土後至康定元年次具姓名龔諸壁校書郎浚爲記後相續不絕今悉載於後

唐慶澄 吳興志廣德元年袁晁賊傾陷浙右本縣人
朱泚沈皓舉亡命之眾應之二年刺史獨孤問俗使將
軍辛敬順於金鵝山築城守其寇路泚皓殺洞中賊黨
以降之七月左衛兵曹參軍慶澄兼武康德清二縣令
安集之

范鉞 乞御書放生池碑顏真卿撰德清令范鉞

柳察躬 按柳宗元先侍御神道表父察躬湖州德清
令世德孝廉又曰天寶遇亂奉德清君夫人隱王屋山
察躬爲令時當天寶年間也

喻鳧 建州刺史李頻送喻鳧赴德清令詩棹返雪谿
去仍參舊史君州傳多古迹縣記有誰文水柵橫船閉

湖田立木分但如詩思苦爲政卽超羣

宋劉楚金 劉廷敏 孫諒 王玟 劉世昌 張維

王袞 杜惟明 劉洞 馬周 王符 蘇昂 符

居簡 楊知保 王子昂 孫汝弼 陳範 虞初昌

寶允 潘約禮 劉景 江觀 劉觀 苟師顏

蔣翔 黃長裕 郭眞卿 韋肅 文勸 梁昉 陳

之方 徐良佐 曹庠 孫載 陳羔 聞人完 楊

規 李樞 魏興宗 鮑朝懋 侯綬 方揚遠 毛

國賓 葉華 梁仲衍 樓居明

王穀 山東人政和二年爲令是時括賣茶租甚嚴德
清山閒茶最盛使盡翦伐民初雖不信委曲勸諭以爲

茶可復種茶租一定則爲子孫之害至今德清茶租最輕金鵝山下藉有旨責貢取以爲獻而不緘封至京色味俱變遂不復再取其愛民類如此

趙岫 字景東清獻公猶子宣和元年爲令庚子冬清谿盜起破郡邑人駭散岫獨留縣發倉廩招集貧民團聚保甲賊自嘉禾犯境岫邀擊之擒其將二人獲凶徒二百餘人器械千數級數百縣賴以全邑人立生祠於乾元寺

李登 俞佚 趙子緝 向子廉 趙子瑗 黎詔

楊鏌 沈造 劉嘉成 沈彬 王錡 高公緒 陳

桴 徐峴 趙以 俞汝翼 范直大 葉榮 管

銳 向子儼 趙不比 孫易簡 葉沆 章耀 胡
澄 趙希迪 沈杞 楊思濟 李稠 王銑 朱欽
則 舒烈 陳勇 陳庶 呂鏐 單端士 黃之仁

安吉縣

安吉縣自漢中平以來其令長見於史傳者絕無而僅
有攷之統記有計蒙姚翊宋書有蕭鸞唐以來考之碑
記大歷中放生池石刻有楊宥曹友謚本朝碑刻天聖
中有中大夫行國子博士上護軍尹熙古又有狄遵禮
胡穆劉望胡浚明常有可錄者散落不得而書自唐邁
以後至於今得二十人具列于後

吳姚翊 安吉令

管計豪 安吉令

宋蕭鸞 字景栖宋泰豫元年爲安吉令有嚴能之名
卽齊明帝也

梁徐文整 故鄣令

周弘政 梁安吉令

施紘 梁故鄣令

唐楊宥 顏真卿放生池碑安吉令楊宥

曹友諡 曹友諡見上

宋尹熙吉 狄遵禮 胡穆 劉望 胡浚明 唐邁

強徽 王抑 呂靖 韓胄 趙伯耆 范晉 張

庭筠 徐良能 呂正己 韓磊 李時澤 安鼎

曾崇

錢宥之

趙師行

趙楸

黃敷忠

褚意

韋翌

趙師恩

陳自修

吳益

莫若冲

張燕

趙彥滄

葉松

趙不汙

吳興志卷十五

吳興志卷十六

宋談鑰撰

著姓

姓之有望生於緒姓族之蕃而別其地也古者因生賜姓胙土命氏漢鄧氏應氏有氏族篇纂敘世繫至晉賈弼撰姓氏簿始附之州郡宋王儉廣其書東南之族具焉吳興郡著姓之說率根源於是歷數百千年時有升降閱有盛衰若不可一概定然攷之太平寰宇記李宗諤圖經王曾圖志及續圖經等書述地理而參諸學者皆言姚沈王鈕長城曰錢胥今故敘四姓著於鄉之繇而長城之錢附焉至他姓之有顯赫者則有古今史編

及姓氏諸書在

姚姓出自虞帝生於姚墟因以爲姓春秋時鄭大夫姚句耳姚般其後也漢有青州刺史恢尙書左僕射皓吳有太常卿信晉有九江太守渠墓皆在郡境有碑碣存姚姓其來也遠居吳興亦久矣姓氏書謂王莽封田豐奉舜祀豐子避莽亂過江居吳郡改姓爲媯五世孫敷復改其姓姚始居吳興武康未必然也敷生信卽吳太常卿著昕天論者信子寧浦太守陶陶子太傅喬喬六世孫僧坦隋開府儀同三司生二子察最察隋太子內史舍人生思廉最隋蜀王友生思聰自晉至梁尤多顯人藏爲散騎常侍宣業爲吳興郡公武韞璿壽欽定祥

六人皆至給事中他可概見宣業之四世孫崇相明皇
崇傳云陝州人陝州之族出於武康思廉之孫璿相武
后思廉傳云父察自吳興遷京兆遂爲萬年人京兆之
族亦出於武康獨最與思聰墓在武康石城山今之居
吳興者皆祕書少監思聰後也舊圖經載漢九江太守
姚渠墓在烏程縣南六十里吳秦州刺史志墓在州南十四里統記載後漢青
州刺史恢尙書左僕射皓吳太常卿信墓並在武康縣
西南三里石城山碑碣並存後周開府儀同三司僧坦
陳吏部尙書察隋蜀王司馬最唐祕書少監思聰墓亦
在馬統記又載信子陶吳寧浦太守陶子奮太傅晉之
藏至散騎常侍武翹與梁之睿壽文祥欽凡六人皆至
給事中吳之參憲翊爵之向選梁之康遏通緒茂皆爲
縣令竝武康人按姓氏書姚出於虞帝生於姚墟因以
爲姓春秋時鄭大夫姚句耳姚般其後也初陳公滿封
於陳裔孫共仲奔齊爲陳氏又爲田氏齊亡居魯至王
莽封田氏爲代睦侯以奉舜祀豐子恢避莽亂過江居
吳郡改姓爲焉五世孫敷復改姓姚姚居吳興武康敷生

信吳選曹尚書八世孫僧坦隋開府儀同三司北隆公
二子察最察隋太子內史舍人龔公最獨王友察生思
廉唐修文館學士生楷生楷相武后最生思聰至八世
孫衮太僕主簿陝郡姚氏亦出自武康梁征東將軍吳
興郡公宣業生安仁安仁生祥祥生懿懿生元之元素
元之名崇相明皇生彝思奔元素生弁馮算孫九人會
孫二十人四世孫七人五世孫五人世所謂武功姚者
南史姚察傳吳興武康人吳太常卿信九世孫父僧坦
子思廉唐書姚思廉傳察之子陳亡察自吳興遷京
姚遂為京兆萬年人孫璿姚崇傳峽州峽石人子懿
沈姓臺駘之後或曰聃季食菜於沈姬姓後也春秋有
沈子國即汝南平輿沈亭是也沈滅其後子孫因國為
氏秦末有沈遲召為丞相不就遲之曾孫保漢封為竹
邑侯竹邑侯之十世孫戎後漢初說降劇賊尹良光武
封為海昏侯不就避地徙會稽烏程之餘不鄉遂家焉
死葬於金鵝山戎生尚書令鄼鄼生河閒相景仲高景

生荊州刺史彥演之慶之曩慶懷文其後也仲高七世
 孫延晉潁川太守始居縣之博陸里餘烏邨田子林子
 與約其後也統記又載沈氏先賢傳諸書云沈戎子孫
 見史傳者一百五十八人三十八人有正傳一百二十
 人附傳宋梁陳閔皇后三人尙主者五人唐有君亮相
 武后彥之裔孫曰傳師而睿真太后亦曰吳興人至今
 人物視三姓爲盛云南史沈約字休文吳興武康人自
與沈亭是也春秋時列於盟會魯昭公四年晉使蔡減
沈其後因國爲氏秦末有沈逞徵丞相不就漢初逞曾
孫保封竹邑侯保子遵遷九江之壽春官至齊王太傅
封敷德侯遵生驃騎將軍達達生尙書令乾乾生南陽
太守弘引生河內太守助勛生御史中丞奮奮生將作
大匠恪恪生尙書關內侯謙謙生濟陰太守靖靖生戎
光武封爲海昏侯不受徙居烏程之餘不鄉戎生三子
鄧零陵太守仲高安平相景河開相演之慶之曩慶懷

文共後也仲高子鸞鸞子直子瑜儀子陵儀子曼吳定陽
侯曼子矯立武校尉晉長沙太守矯子博陵子餘烏村延子
軍事陵子延頴川太守警警子穆夫陸里子龍驤將
賀南中郎參軍賀子封漢壽縣伯子璞嗣淮南太守璞
軍林子建威將軍賀子旋趨旋司徒右長史趨黃門旋子
子約梁尚書令約子旋趨旋司徒右長史趨黃門旋子
寔眾陳民部尚書約子旋趨旋司徒右長史趨黃門旋子
子聃季食策於沈汝南平與沈亭是也春秋成八年為
晉所滅沈子逞奔楚遂為沈氏會孫諸梁號葉公會孫
鄧召為丞相不逞就生平封竹邑侯平生遂生宗左庶
長竹邑侯生遵徙壽春遵生乾侯平生遂生宗左庶
舊生格恪生謙謙生靜靜生戎後漢光祿勳因避地徙
事說降劇賊尹良光武封為海昏侯辭不就因避地徙
居會稽之烏程縣餘不鄉遂家焉我四子鄧懿記載後
四子許仲高景景生彥彥裔孫亮相武后統統記載後
漢述善侯戎墓在金鵝山向書嘉太子鄧懿記載後
相景墓在焉晉吏部尚書嘉太子鄧懿記載後
山宋齊梁陳諸友墓並武康縣又載沈氏先賢傳後
漢太山太守霸丹陽太守裕又云沈氏先賢傳後
一百五十八人有正傳一百二十人附傳宋陳
至唐四皇后宋朝宣太后陳文帝皇后會稽長公主遵禮
容直太后陳朝尚主者五人君理尚會稽長公主遵禮

尙安康公主結尙義興公主修智尙湘安公主規尙智
平公主按沈約自敘其家世與班固揚雄自敘之體同
宜其視姓氏諸書泛述者必精確而謂楚使蔡滅沈在
魯昭公四年今左傳載昭四年楚子會于申又同
伐吳明年又同伐吳則沈之滅安得在四年也以其顯
著者差謬如此則其他亦未必皆可信姓氏錄謂沈之
滅在成八年其失又遠矣又世系
載在諸書者多不同今悉存之

正姓系出齊太公封於營正二十八代孫公子高遂氏
其後弱爲邾國大夫明爲魯國左史漢平帝時有名俊
者持節安輯江淮屬王莽篡位遂留江左居吳興烏程
後漢大司馬騰交州太守聰陽羨令昭吳晉陵太守傑
宋尙書右丞泉之新安太守道護建安太守道成梁黃
門侍郎遲雜見於王儉姓系元和姓纂諸書者不一而
騰傑遲泉之道護墓又俱在那境信其爲俊後也南史

載冠先奉使不屈死於胡虜傑居喪盡孝感夢授藥靈

鞠以文章顯仲孚以政事聞系緒雖不詳可以爲著姓

矣唐元和中有葬麻谷者左散騎常侍爲與撰墓碑碑

今存焉烏程縣麻谷有吳興公封營正碑元和中四年製左散

子高遂氏其後弱爲邦國大夫明爲魯國左史爲之作

必有據則左正明蓋姓正而官爲左史也元和姓纂

曰齊太公封於營正明蓋姓正而官爲左史也元和姓纂

有邾大夫正弱漢平帝時有正俊持節安撫江淮屬王

葬纂位遂留江左吳興烏程唐貞觀初有將軍正師

利又正爲蘇州嘉興人事在藝文志舊圖經烏程縣有

後漢大司馬正騰墓在縣西北十八里南郡太守道護墓在

宋尚書右丞黃門侍郎遲墓在縣南十六里統記載後

南十八里太守聰陽羨令紹晉新安太守條陽侯道護建

漢交趾太守成又載王儉姓系有漢正騰晉散騎常侍詢

安太守敬祠部郎中裕給事中夷宋書有吳郡太守

駱馬都尉敬祠部郎中裕給事中夷宋書有吳郡太守

泉之及齊季彬竝烏程人南史冠先傑見孝義傳並鞠

進見文學傳冠先有子曰惟靈鞠之父祝書監系父護

軍長史道真子遷
從仲孚皆烏程人

鈕姓不詳得姓之繇漢有關內侯馥而冲充皆以牧守
襲爵其爲姓舊矣又有名綽者東漢荆兗青三州刺史
衡九真太守詳富春侯淑吳尙書令臨水侯瑒晉察孝
廉襲臨水之封戶允東遷侯淑及宋御史中丞滔墓皆
在郡境淑侯封臨水歿葬烏程信爲吳興人瑒允嗣侯
滔墓同境必其後也馥冲衡綽名見吳興記王儉姓系
錄爲淑之先亦無疑矣吳景帝有鈕后陳武宣章后本
亦鈕姓父景明追封廣德侯族兄洽中散大夫以二后
五侯之族其爲著姓宜矣吳興統記載王儉姓系云鈕馥字元芳漢封關內侯冲字元度弘農太守關內侯食二千石充後漢梁州牧襲關內侯綽字君宏荆兗青三州刺史衡字元平九真太守

詳字子明富春侯食千戶淑字仕叔吳尚書令臨水縣
侯食一千五百戶場字彥真晉察孝廉後封臨水侯又
食一千五百戶允字元嗣中散大夫新昌太守東遷侯
食千戶南史陳武宣章皇后本姓鈕父景明為章氏所
養景明梁散騎常侍後昭持進金紫光祿大夫追封慶
德縣侯后規族無在朝者惟本族兄治官至中散大夫
姓氏書止載吳興鈕涓云東晉人以及宋開封鈕氏大
理寺丞約傳圖經曰吳中書令鈕淑墓在烏程縣西十
里宋御史中丞涓墓在烏程縣東十四里統記載吳興
吳景帝鈕皇后父葬卞山因開青塘又顏真卿石柱記
云吳景帝鈕皇后葬卞山

錢姓出於大彭彭祖其後也以錢為氏彭祖四十三代
孫漢諫議大夫錢林始居縣之梓山林孫敞敞孫咸咸
曾孫讓讓七代孫彌彌十三代孫纂纂墓皆在縣石柱題
誌存焉姓氏錄云讓避王莽亂徙居烏程者非也晉宋
及陳世有王侯牧守甚眾衣冠之盛如此而陳昭皇后

三代孫墓及昌端廣墓皆在長城縣陵墓下	錢敬陵墓十七代孫彌六	長城陵墓陳昭皇后錢氏陵曰嘉陵彭祖四十五代孫焉	代孫漢諫議大夫錢林始來長城之梓山子孫因居焉	大彭鏐所封侯道職唐侍御史政舊編云錢氏系出	同三司謹承安侯臨海太守遷隋鍾離守季卿開府僕	侯肅衣陽侯玄智臨海太守遷隋鍾離守季卿開府僕	軍將軍端步兵校尉岳伏波將軍詳陳穆東遷縣侯寵冠	西里晉龍驤將軍端基在縣五里四振盛將軍廣基在縣	五里晉龍驤將軍端基在縣五里四振盛將軍廣基在縣	吳廬江太守盛墓在縣北五里盛將軍廣基在縣	充二州刺史封富春侯烏程人後為散騎常侍累遷徐	縣西五里字德高吳郡烏程人後為散騎常侍累遷徐	錢氏本杭州臨安人統記後漢富春公錢讓墓在長興	守鳳裔孫樂之宋太史令居長城故望出吳興宋吳越	避王莽亂徙居烏程生晟又東晉青州刺史端歷陽太	邵西京雜記有會稽人勃漢哀平間有襄為廣陵太守下	錢府上士因官命氏焉戰國有隱士丹秦御史產居下	亦為錢氏宜為長城著姓終生彭祖出自顓帝曾孫陸
-------------------	------------	------------------------	-----------------------	----------------------	-----------------------	-----------------------	------------------------	------------------------	------------------------	---------------------	-----------------------	-----------------------	-----------------------	-----------------------	-----------------------	------------------------	-----------------------	-----------------------

右長興著姓太平寰宇記李宗諤圖經王曾九域

圖志皆曰長興著姓二曰錢曰胥胥姓攷之古今
史傳圖志系譜在吳興者無一人焉豈傳寫筆誤
乎

賢貴事實

陳高祖武皇帝諱霸先吳興長城下箬里人姓陳氏漢
太丘長寶之後也六世孫達永嘉南遷爲長城令悅其
山水遂家焉嘗謂所親曰此地仙川秀麗當有王者興
焉二百年後我子孫必鍾斯運達生康爲丞相掾咸和
中土斷故爲長城人康生盱眙太守英英生尙書郎公
弼公弼生步兵校尉鼎鼎生散騎常侍高高生懷安令
詠詠生安成太守猛猛生太常卿道巨道巨生皇考文

續帝少倣儻有大志長於謀略意氣雄傑不事生產及
長涉獵史籍好讀兵書明緯侯孤虛遜甲之術多武藝
明達果斷爲當時推服身長七尺五寸日角龍顏垂手
過膝嘗遊義興館於許氏夢天開數丈有四人朱衣捧
日而至納之帝口及覺腹內猶熱帝心獨喜帝嘗獨坐
堂室有神光之異梁新喻侯蕭映爲廣州刺史常以爲
中兵參軍尋轉爲高安太守以交州李賁僭稱天子映
遣帝平之梁武嘉焉卽除直閣將軍太清二年侯景反
乃率眾赴援遂受梁禪卽位後改梁太清二年爲永定
元年國號陳在位二年崩年五十七帝雄武多英略性
甚仁愛及居阿衡性崇寬簡雅尙儉素常膳不過數品

私饗曲宴皆瓦器蟬盤肴核庶羞裁令充足不爲虛費
初平侯景及立景帝子女玉帛皆班將士其充闔房者
衣不重采飾無金翠聲樂不列於前踐祚之後彌厲恭
儉故能隆功茂德光於江左

世祖文皇帝諱禧始興昭烈王之長子也少沈敏有識
量美容儀留意經史武帝甚愛之常稱吾家英秀梁太
清初帝夢兩日闕一大一小大者光滅墜地色正黃其
大如斗帝三分取一懷之武帝崩卽位改元天嘉在位
七年崩帝起白布衣知百姓疾苦國家資用務從儉約
妙識眞僞下不容姦一夜內刺聞取外事分判者前後
相續每雞人伺漏傳籤於殿中者令投籤於階石上鎗

然有聲云吾雖得眠亦令驚覺其自強如此

廢帝諱伯宗文帝嫡長子也文帝崩卽位改元光文帝柔弱無人君之器在位三年廢

高宗孝宣皇帝諱項始興昭烈皇第二子也生有赤色滿室少寬容多智略及長美容儀身長八尺二寸垂手過膝有勇力善騎射廢帝廢卽位改元太建在位十四年崩帝之在田本有恢弘之度及居尊位實允天人之應於時國步初弭瘡痍未復淮南之地竝入於齊帝志復舊境意反侵地強弱之形理則懸絕犯斯不韙適足爲禽及周兵滅齊乘勝而舉略地還至江際自此懼矣後主諱叔寶宣帝嫡長子也宣帝崩卽位改元至德在

位七年降隋

以上陳朝五主
共三十三年

衡陽獻王昌字敬業武帝第六子也昌容貌偉麗神情秀朗雅性聰辨明習政事讀書一覽便誦明於義理剖析如流

南陽忠壯王休光武帝母弟也子曇朗孫方慶襲封

始興昭烈王道談武帝兄也仕梁爲東宮直閣將軍侯景之亂援臺中流矢卒生文帝及宣帝

鄱陽王伯山字靜之文帝第三子也偉容儀舉止嫺雅喜愠不形於色性寬厚又於諸王最長後主深敬重之每朝廷有冠婚饗宴恆爲使主及遭所主憂居喪以孝聞後主謂羣臣曰鄱陽王至性可嘉

始興王伯茂 新安王伯固 晉安王伯恭 衡陽王

伯信 廬陵王伯仁 江夏王伯義 武陵王伯禮

永陽王伯智 桂陽王伯謀 以上文帝諸王文帝十三男一人爲廢帝二人早卒

封王者十人

岳陽王叔謹字子敬宣帝第十六子也少聰敏十歲能

屬文出爲湘州刺史加都督及隋師濟江浦和公楊素

兵下荊州遣將龐暉略地至湘州叔慎遣人詐奉降書

於龐暉叔謹伏甲待之暉入伏兵發縛暉以徇皆斬之

始興王叔陵 豫章王叔英 長沙王叔堅 建安王

叔卿 宜都王叔明 河東王叔獻 新蔡王叔齊

晉熙王叔文 淮南王叔彪 始興王叔重 尋陽王

叔儼 義陽王叔達 巴山王叔雄 武昌王叔虞

湘東王叔平 臨賀王叔敖 陽山王叔宣 西陽王

叔穆 南安王叔儉 南郡王叔澄 沅陵王叔興

岳山王叔韶 新興王叔純 巴東王叔謨 臨海王

叔顯 新會王叔坦 新寧王叔隆 新昌王叔榮

太原王叔匡

以上宣帝諸王宣帝四十二男一人爲後主八人未及封三子早卒無名封王者三

人十

太子深 吳興王允 南平王嶷 永嘉王彥 南海

王虔 信義王祇 邵陵王兢 會稽王莊 東陽王

恮 吳郡王藩

錢塘王恬

以上後主諸王後主二十男十一人未及封太子

諸王十一人

永脩侯擬

本傳武帝疏屬

右陳朝帝冑

並見南史

宋明宣沈太后吳興統記云武康人沈氏爲文帝美人
生明帝爲婕妤好明帝卽位追尊皇太后按本傳諱容姬
不知何許人諡曰宣統記必有據

梁文宣阮太后吳興統記云武康人阮氏梁典云后本
姓石氏諱令羸父靈寶寓居武康后有美色武帝拜修
容賜姓阮氏元帝卽位追崇文宣太后梁陳故事武康
阮公谿石靈寶上虞人嘗寓居其女有妹色天監元年
送爲露乘轉女采及生元帝拜修容賜姓阮拜靈寶爲
朝請時人名其所居谿曰阮公谿靈寶以承聖二年封
武康侯谿有大青石俗謂之美人石今存按南史本傳

云會稽餘姚人在孕夢龍罩其牀生元帝父靈寶武康縣侯寓居武康信矣

陳武昭錢皇后長城人父曰仲方武帝先娶后早卒及武帝卽位追尊曰昭皇后南史陳紀永定元年武帝卽位追尊前夫人錢氏爲昭皇后陵曰嘉陵章皇后傳云武帝先娶同郡錢仲方女早卒後乃聘后舊圖經云嘉陵在縣北五里陳高祖錢皇后陵也而統記乃云陳高祖追尊皇妣錢氏爲昭皇后舊編云其誤又謂嘉陵爲高祖母錢氏其失甚矣按陳紀辛巳追尊皇考曰景皇帝廟號太祖皇妣董氏太夫人曰安皇后前夫人錢氏爲昭皇后癸未尊景帝陵曰瑞陵昭皇后陵曰嘉陵遂

承上皇妣字以致此誤殊不知既以母爲太夫人妻爲前夫人分陵爲二辭意明甚又章后傳述武帝先娶錢氏其不思亦甚矣

陳武宣章皇后南史本傳諱要兒烏程人亦姓鈕父景明幼爲章氏所養因改焉后母蘇氏嘗遇一道人以龜與之光彩五色曰三年有徵及期后生而紫光照室因失龜所在后少聰慧美容儀手爪長五寸竝紅白每有期功之服則一爪先折善書計能誦詩及楚詞武帝聘后爲夫人後永定元年卽位立爲皇后武帝崩定策立文帝及卽位尊爲皇太后宮曰慈訓廢帝卽位爲太皇太后光大二年下令黜廢帝命宣帝嗣立太建二年崩

謚曰宣

陳文帝沈皇后南史本傳諱妙容武康人父法深梁大同中歸文帝文帝爲吳興太守屬侯景作亂帝與后悉爲景所收及景平高祖踐祚永定元年后爲臨川王妃文帝卽位爲皇后廢帝卽位尊爲皇太后宮曰安德陳後主沈皇后南史本傳諱婺華武康人父君理母卽武帝女會稽穆公主早卒后尙幼而毀瘠過甚爲皇太子妃後主卽位爲皇后后性端靜有識量寡嗜慾聰明強記獵涉經史工書翰父君理卒居憂處別殿哀毀踰禮時張貴妃有寵后澹然未嘗有所忌怨身居儉約衣服無錦繡之飾惟尋閱圖史及釋典爲事遇歲旱自暴

而誦經應時雨降數上書諫後主

唐代宗睿真沈皇后唐書本傳吳興人開元末以良家子入東宮太子以賜廣平王實生德宗天寶亂失后所
在代宗立以德宗爲皇太子詔訪后存亡不能得德宗
卽位乃先下詔贈后曾祖士衡太保祖介福太傅父易
直太師弟易良司空易直子震太尉一日封拜百二十
七人詔制皆錦翠池飾以殿馬負載賜其家建中元年
乃具冊前上皇太后尊號分遣諸沈行州縣物色咨訪
故中官高力士女頗能言禁中事年狀差如后於是迎
還上陽宮馳以聞帝喜羣臣皆賀力士子知非是具言
其情詔貸之帝謂左右吾寧受百罔冀得一真於是自

謂太后者數矣及索驗皆辭窮終帝世無聞焉

以上后七人

陳宣帝妃錢氏南史后妃傳云吳興人宣帝居鄉里先娶錢氏及卽位拜貴妃甚有寵

陳宣帝妃吳氏統記云吳興人生武成公主後主卽位尊爲太妃

隋煬帝妃陳氏統記云陳後主第四女母高昭儀封廣德公主

唐太宗賢妃徐氏唐書本傳太宗賢妃徐惠湖州長城人生五月能言四歲通論語時八歲自曉屬文父孝德嘗試使擬離騷爲小山篇曰仰幽巖而流盼擬桂枝以

凝望將千齡兮此遇荃何爲兮獨往孝德大驚知不可
掩於是所論遂盛傳太宗聞之召爲才人手未嘗廢卷
而辭致瞻蔚文無淹思帝益禮顧擢孝德水部員外郎
惠再遷充容貞觀末數調兵討定四夷稍稍治宮室百
姓勞怨惠上疏極諫且言地廣者非常安之術人勞者
乃易亂之符又言有道之君以逸逸人無道之君以樂
樂身技巧爲喪國斤斧珠玉爲蕩心耽毒復爲詩連珠
以見意永徽元年卒年二十四贈賢妃陪葬昭陵石室
惠之弟齊暉齊暉之子堅皆以學聞女弟爲高宗婕妤
亦有文藻世以擬漢班氏

以上妃四人

隋秦王嬪陳氏統記云陳後主第五女長興人謝昭儀
生封臨成公主

原本統記
云長興人

嬪一人

隋文帝夫人陳氏統記云長城人宣帝第十四女母施
氏太妃後主封寧遠長公主

隋文帝弘政夫人陳氏統記云長城人宣帝第二十四
女母曾美人卽後主之妹封臨川長公主按南史隋文
帝宣華夫人陳氏陳宣帝女也性聰慧姿貌無雙不言
第幾女未知孰是

以上夫人二人

唐高宗婕妤徐氏唐太宗賢妃惠妹也賢妃傳云弟齊

時齊明子堅皆以學聞女弟爲高宗婕妤亦有文藻世以擬漢班氏徐齊明傳云長城人也子堅姊爲太宗充容仲爲高宗婕妤好恥以恩進統記作太宗婕妤誤矣

婕妤一人

梁武帝淑媛吳氏統記云長城人東昏侯宮人入侍梁王生南昌王綜南史豫章王綜母吳淑媛在齊東昏侯宮人及得幸於武帝七月而生綜

淑媛一人

晉宣帝太妃施氏統記云安吉人生寧遠公主位太妃太妃一人

右歷代后妃嬪自唐徐氏有傳外餘雖有雜出諸

傳者始末不詳統記之言當有證今竝登載

錢林字元茂彭祖四十三代孫也漢建平中爲諫議大夫元始中王莽專政來隱於平望鄉陂門里梓山東造封邨穿港開陌俾水陸交通層屋背山高門面水疏桐映井密竹臨池松桂傳芳芝蘭送馥洲渚園林幽遠蒙密林居其中名利不干子孫因家焉

沈戎南史云初爲九江從事說降劇賊尹良光武封爲海昏侯辭不就徙居會稽烏程縣餘不鄉遂家焉戎後爲述善侯葬金鵝山宋元嘉三年戎八代孫司空慶之吏部尙書曇慶五兵尙書懷明左光祿大夫孟頴等奏請過江捨祖宅爲寺大帝以爲述善侯有功於人同懷

其德因以懷德名寺

王騰元和姓纂云平帝時有王俊持節安撫江淮屬王
莽篡位遂留江左吳興烏程王儉姓系云王騰光武初
起義集掌故於南陽歷公卿二千石退棲舊鄉乃於先人
卽改塋與其弟子築城而居吳興統記云大司馬王騰
墓在烏程縣南六里又列於儒學類

錢讓字德高彭祖五十代孫也吳郡烏程人時吳郡太
守薛固爲法吏所枉下獄付廷尉乃攜同郡婁縣卞崇
詣闕稱冤廷尉囚讓等以兵人圍守苦毒備至讓恬然
自若枉聲彌厲天子聞而奇之赦固之罪累遷散騎常
侍廣陵太守鎮東大將軍都督九江諸軍事遷徐兗二

州刺史封富春侯食邑五千戶卒年六十二贈富春公
諡曰哀天子素車臨弔哀慟給兵吏二十人加威儀還
葬本鄉賜錢十萬黃金百鎰錦被十張與讓母趙氏統
記云墓在長興縣西五里又云謝承後漢書云桓帝時
也

費汎費府君碑云字仲慮此邦之人也其先季文爲魯
大夫有功封費因氏爲姓秦項兵起避地於此遂留家
焉府君以孝友至行聞於鄉邑仕吏部右掾謬質直在
公履法察孝廉除郎中屯騎司馬遷蕭令視民如子先
教後罰在仕九年百姓移風苛慝不作姦寇不發慶增
恩銷推讓道生三年不斷獄禎祥感應時沛有蝗獨不

入界由此顯名國以上聞朝廷嘉諸拜梁相二子鳳由
宰府至堂邑令政九江太守

費鳳字伯簫梁相之元子言不失典術行不越矩度踐
郡右職三貢獻計辟州試部忠以衛上漢安二年吳郡
太守東海君以君有委蛇之節自公之操年三十一舉
孝廉拜郎中除陳國新平長後宰堂邑熹平六年七月
卒鳳退已進弟不營榮祿祖業良田畝直一金推與弟
息行儀高郡

沈瑜沈儀統記云烏程人也俱少有至行瑜十歲儀九
歲而父亡居喪毀瘠過於成人外祖會稽盛孝章名士
也每撫慰之曰汝並黃中英爽終成奇器何遽逾制自

取滅性耶瑜早卒儀篤學有雅才以儒素自業時海內
大亂經術廢弛士少全行而儀潭深隱默守道不移州
府禮請二府交辟公車並召不屈以壽終續圖經曰當
漢末未置郡烏程縣提封稍廣沈氏所居餘不鄉屬今
之德清今繫烏程則失實附德清則難以預名故載之
於郡

許頤統記云故鄣人也頤父患惡疾醫曰啖人肉可差
頤卽割兩股爲羹以遺父月餘果差刺史周澤奏旌表
門閭

右漢人漢末置郡特有烏程故鄣縣而已故名賢
見於諸史者沈瑜沈儀曰烏程人許頤曰故鄣人

沈戎曰會稽烏程人錢讓曰吳郡烏程人者自秦
以來烏程屬會稽永建以後始析會稽爲吳郡烏
程屬焉讓永建以後人也錢林居梓山今梓山在
長興費汎曰此邦之人者汎鳳父子共有三豐碑
舊在烏程界邨落歐陽公集古錄等書俱錄碑今
在墨妙亭洪氏隸釋云在吳興校官廳壁誤也碑
在本郡汎鳳爲本郡之人信矣統記又載鈕姓馥
充沖皆爲關內侯綽荆青三州刺史衡九真太守
詳富春侯出王儉姓系沈姓彥荊州刺史霸太山
太守裕丹陽太守出沈氏先賢傳立聰交趾太守
昭陽諡令姚祇日南太守施咸魏郡太守俱漢時

人今故附見又舊經諸書多以隸烏程抑不攷漢之烏程尙兼長城武康界況德清歸安又續分者乎今故以時代爲別

吾粲吳志云字孔休吳郡烏程人也孫河爲縣長粲爲小吏河深奇之河後爲將軍得自選長史表粲爲曲阿丞遷爲長吏治有名蹟雖起孤微與同郡陸遜卜靜等比肩齊聲矣孫權爲車騎將軍召爲主簿出爲山陰令還爲參軍校尉黃武元年與呂範賀齊等俱以舟師拒魏將曹休於河口值天大風諸船縋紲斷絕漂沒著岸爲魏軍所獲或覆沒沈溺其大船尙存者水中生人皆攀緣號呼他吏士恐船傾沒以戈矛擁擊不受粲與黃淵

燭全船人承取之左右以爲船重必敗粲曰船敗當俱死耳人窮奈何棄之粲淵所活者百餘人遷太子太傅遭二宮之變抗言執正明嫡庶之分欲使魯王霸出駐夏口遣楊竺不得在都邑又數以消息語陸遜令時駐武昌連表諫諍由此爲霸竺等所譖害續圖經曰粲孫權時人未置郡故自寶鼎二年以前皆載於郡以後事並見吳志

徐詳字子明烏程人孫權爲車騎將軍召與是儀胡綜俱典軍國密事魏拜權爲吳王詳爲亭侯吳志詳曰是儀徐詳胡綜皆孫權之時幹興事業者也儀清恪正素詳數通使命綜文采才用各見信任譬之廣廈其榱桷

之佐乎

朱治字君理丹陽故鄣人也勸策還平江東黃武元年封毘陵侯領郡如故二年拜安國將軍金印紫綬徙封故鄣權歷位上將及爲吳王治每進見權常親迎執版交拜饗宴贈賜恩敬特隆至從行吏皆得奉贄私覲其見異如此權常歎治憂勤王事性儉約雖在富貴車服惟供事權優異之自令督軍御史典屬城文書治領四縣租稅而已是時丹陽深地頻有姦叛治亦以年向老思戀土風自表屯故鄣鎮撫山越諸父老故人莫不詣門治皆引進與共飲宴鄉黨以爲榮在故鄣歲餘還吳黃武三年卒

朱才字君業治之子也爲人精敏善騎射權愛異之常侍從游戲少以父任爲武衛校尉領兵隨從征伐屢有功捷本部議者以才少處榮貴未留意於鄉黨才乃數曰我初爲將謂跨馬陷敵當身履鋒足以揚名不知鄉黨復追迹其舉措乎於是更折節爲恭留意賓客輕財尙義施不望報又學兵法名聲始聞於遠近

朱然字義封治姊之子本姓施氏年十九後爲山陰令加折衝校尉督五縣權奇其能分丹陽爲臨川郡然爲太守授兵一千人會山賊起然平討旬月而定呂蒙病篤權問曰卿如不起誰可代者蒙對曰朱然膽守有餘愚以爲可任蒙卒權假然節鎮江陵黃武元年劉備舉

兵攻宜都然督五千人與陸遜并力拒備別攻破備然
前鋒斷其後道備遂破走拜征北將軍封永安侯然長
不盈七尺氣候分明內行修潔其所文采惟施軍器餘
皆質素終日欽欽常在戰場臨急膽定尤過絕人雖世
無事每朝夕嚴鼓兵在營者咸行裝就隊以此玩敵使
不知所備故出輒有功諸葛瑾子融步騭子協雖各襲
任權時復使然總爲大督及陸遜亡功臣名將存者惟
然莫與比隆寢疾二年後漸增篤權晝爲減膳夜爲不
寐中使醫藥口食之賜相望於道然每遣使表疾病有
息權輒召見口自問訊入賜酒食出送布帛自創業功
臣疾病權意之所鍾呂蒙凌統最重然其次矣

朱績字公緒以父任爲郎後拜建中都尉叔父才卒績領其兵隨太常潘濬討五谿以膽力稱遷偏將軍營下督領盜賊事持法不傾魯王霸注意交績嘗至其廨就之坐欲與結好績下地住立辭而不當然卒績襲業拜平魏將軍樂鄉督

姚信吳興武康人也深於天文學仕至太常造昕天論計昭王儉姓系云昭字叔明吳黃武中爲車騎將軍至歸命侯荒暴迺隱居禺山晉宣帝徵召不起

姚翁仲武康人種瓜灌園以供衣食鄉里崇之號曰長者或有饋遺一無所受不得已而受卽轉惠見吳書

右吳人吳寶鼎中始置郡寶鼎以前尙仍漢也故

吾粲傳曰吳郡烏程人朱治傳曰丹陽故鄣人漢
初平中始分烏程置永安晉太康中改曰武康吳
有永安未有武康姚信曰武康人者蓋信爲陳姚
察之祖察武康人故因仍而言之耳統記又載鈕
淑尚書令太史亨零陵太守太史淑中書侍郎丁
固會稽郡公沈佺長秋卿姚舊寧浦太守俱吳時
人今復附見

吳商吳興故鄣人字彥聲太康三年分故鄣立長城縣
因爲長城人學通五經百氏徵爲東宮校書郎四方學
者擔簦負笈不可勝數時人服焉歷官至侍中見統記
王談晉書云吳興烏程人也年十歲父爲鄰人竇廣所

殺談陰有復讎志而懼爲度所疑寸刃不畜日夜伺度
未得至年十八乃密市利鍤陽若耕鋤者度常乘船出
入經一橋下談伺度行還伏草中度旣過談於橋上以
鍤斬之應手而死旣而歸罪有司太守孔巖義其孝勇
列上宥之巖諸子爲孫恩所殺無嗣談乃移居會稽修
理巖父子墳墓盡其心力後太守孔欽奇其義行元興
三年舉談爲孝廉時人稱其得人談不應召終於家
潘綜吳興烏程人也孫恩之亂妖黨攻破卹邑綜與父
驃共走避賊驃年老行遲賊轉逼驃驃語綜我不能去
汝走可脫幸勿俱死驃困乏坐地綜迎賊叩頭曰父年
老乞賜生命賊至驃亦請賊曰兒年少自能走今爲老

子不去老子不惜死乞活此兒賊因斫髖綜抱父於膝
下賊斫綜頭面凡四創綜當時悶絕有一賊從旁來相
謂曰卿欲舉大事此兒以死救父云何可殺殺孝子不
祥賊乃止父子竝得免鄉人祕書監之系祖廷尉沈赤
黔以綜異行薦補左戶令史除遂昌長歲滿還家太守
王韶之臨郡發教列上州臺陳其行迹及將行設祖道
贈以四言詩元嘉四年有司奏改其里爲純孝里蠲收
租布三世

沈勁字世堅吳興武康人也父充爲部曲將吳儒所殺
勁當坐誅鄉人錢舉匿之得免其後竟殺讎人勁少有
節操哀父死於非義志欲立勳以雪先恥年三十餘以

刑家不得仕進郡將王胡之深異之及遷北平將軍司
州刺史將鎮洛陽上疏曰吳興男子沈勁清操著於鄉
邦貞固足以幹事且臣今求之武士故吳興人最多若
令勁參臣府事者郡人旣悅義附亦眾詔聽之勁旣應
命胡之以疾病解職升平中慕容恪侵逼山陵時冠軍
將軍陳祐守洛陽眾過二千勁自表求助祐效力因以
勁補冠軍長史令自募壯士得千餘人以助祐擊賊頻
以寡制眾而糧盡援絕祐懼不能保全會賊寇許昌祐
因以救許昌爲名興寧二年留勁以五百人守城祐率
眾而東會許昌已沒祐因奔崖鵠勁志欲致命欣獲死
所尋爲恪所攻城陷被執神氣自若恪奇而將宥之其

中軍將軍慕容度曰勁雖奇士觀其志度終不爲人用
今若赦之必爲後患遂遇害恪還從容言於慕容暉曰
則平廣固不能濟羣黎今定洛陽而殺沈勁實有媿於
四海朝廷聞而嘉之贈東陽太守子赤黔爲大長秋赤
黔子叔任義熙中爲益州刺史

沈警字世明惇篤有行業後將軍謝安命爲參軍甚相
歆異警內足於財爲東南豪士無進仕意謝病歸安固
留不止還家積載以素業自娛將軍王恭鎮京口後引
爲參軍手書勤懇苦相招致不得已而應之尋復謝去
沈田子吳興武康人也字敬先後武帝剋京口進平建
業參鎮軍事封營道縣五等侯義熙十二年武帝北伐

田子與順陽太守傅宏之各領別軍從武陽入屯據青泥姚泓將自禦大軍慮田子襲其後欲先平田子然後傾國東出乃率步騎數萬奄至青泥田子本爲疑兵所領裁數百欲擊之傅宏之曰彼眾我寡難可與敵田子曰師貴用奇不必在眾宏之猶固執田子曰眾寡相傾勢不兩立若使賊圍旣固人情喪沮事便去矣及其未整薄之必剋所謂先人有奪人之志也便獨率所領鼓譟而進賊合圍數重田子乃棄糧毀舍躬勒士卒前後奮擊賊眾一時潰散所殺萬餘人得泓僞乘輿服御武帝表言其狀長安旣平武帝譙於文昌殿舉酒賜田子曰咸陽之平卿之功也卽以咸陽相賞卽授咸陽始平二

郡太守

沈林子字敬士田子弟林子少有大度年數歲隨王父在京口王恭見而奇之曰此兒王子師之流也嘗與貴人共見遺寶咸爭趨之林子直去不顧年廿三遇家禍旣門陷妖黨兄弟並應從誅而沈預家甚富強志相陷滅林子兄弟沈伏山澤無所投厝會孫恩屢出會稽武帝致討林子乃自歸陳情率老弱歸罪請命乃流涕哽咽三軍爲之感動帝甚奇之乃載以別船遂盡室移京口帝分宅給焉林子博覽眾書留心文義從剋京口進平東邑時年十八身長七尺五寸沈預慮林子爲害常披甲持戈至是林子與兄田子還東報讎五月夏節日

至預正大集會弟子盈堂林子兄弟挺身直入斬預首
男女無論長幼悉屠之以預首祭父祖墓武帝伐姚泓
參征西將軍事林子禦之連戰皆捷帝至閬鄉姚泓埽
境內兵屯嶢柳時田子自武關北入屯軍藍田泓自率
大眾攻之帝慮眾寡不敵遣林子步自秦嶺以相接援
比至泓已破走田子欲窮追進取長安林子止之曰往
取長安如指掌爾復剋賊城便爲獨平一國不賞之功
也田子乃止林子威震關中豪右望風請附帝以林子
田子綏略有方頗賜書褒美時武帝以方隅未靖復欲
親戎林子固諫帝答曰吾轍當不復自行帝踐位以佐
命功封漢壽縣伯固讓不許永初二年卒

正昂晉書云昂字公表吳興人家貧好學不暇就業乃織畚以自給將至餽舍值鄰人盜刀潛步自匿專心儒行與其弟給事中夷太守矩竝以孝行著名當時謂之三正

吳慶之晉書云慶之字文悅吳興烏程人也江夏王義恭召爲西曹書佐不就義恭被誅慶之不肯仕終身蔬食後王蘊爲吳興太守召爲功曹亦不就

右晉人晉太康中始改永安爲武康故沈勁沈田子傳曰武康人其他賢貴自姚沈正鈕錢之著姓者附見各姓之下外有殷姓太子太傅迪始興王者師上黨都尉躋丹陽尹融吳興太守康吳姓征虜

將軍綜黃門侍郎楷多見統記諸書

孫法宗南史云一名宗之吳興人也父隨孫恩入海滙被害屍骸不收母兄竝餓死法宗年小流迸至十六方得還單身勤苦霜行草宿營辦棺槨造立冢墓葬送母兄儉而中禮以父屍不測入海尋求聞世閒論是至親以血漚骨當悉凝浸乃操刀沿海見枯體則割肉灌血如此十餘年臂脛無完皮血肉枯竭終不能逢遂縊經終身常居墓所山禽野獸皆悉馴附每麋鹿觸網必解放之償以錢物後忽苦頭創夜有女人至曰我是天使來相謝行創本不關善人使者遠相及取牛鼻煮傅之卽驗一傳便差一境賴之終身不娶饋遺無所受以後

事竝見南史

王傑字偉時吳興烏程人也十四遭喪以熟菜有味不
嘗於口歲餘忽夢見母曰死止是分別耳何事乃爾菜
苦汝噉生菜遇蝦蟆毒靈牀前三丸藥可取服之傑
驚起果得甌甌中有藥服之下蚪子數升王氏世保此
甌大明七年災火焚失之

張敷吳興故鄣人也生而母歿年十許歲求母遺物而
散施已盡惟一畫扇乃緘錄之每至感恩輒開篋涕泗
好讀道書能屬文高祖見而奇之以爲世子中軍參軍
敷見引接

沈懷文字思明吳興武康人也祖寂晉光祿勳父宣新

安太守懷文少好玄理善爲文章爲楚昭王二妃記見稱於世爲江夏王義恭東閣祭酒丁父憂新安郡送故豐厚奉終禮畢餘悉班之親戚一無所留武帝聞而嘉之賜奴婢六人大明中入爲侍中時游幸無度太后六宮常乘副車在後懷文與王景文每諫不宜亟出後因從坐松樹下風雨甚驟景文曰卿可以言矣懷文曰獨言無維宜相與陳之江智深臥草側亦謂之善俄而被召俱入雉場懷文曰風雨如此非聖人所宜景文又曰懷文所啟宜從智深未及有言上方注弩作色曰卿欲效顏竣耶又曰顏竣小子恨不得鞭其面上每宴集在坐者咸令沈醉懷文素不飲酒又不好戲上謂故欲異

己謝莊嘗戒懷文曰卿每與人異亦何可久懷文曰吾少來如此豈可一朝而變非欲異物性之所不能耳懷文三子淡深沖

沈沖字景綽涉獵文義仕宋歷位撫軍正佐兼記室及父懷文得罪被繫沖兄弟行謝情哀貌苦見之者傷之沖與兄淡深名譽有優劣世號爲腰鼓兄弟淡深竝歷御史中丞兄第三人皆爲司直晉宋所未有也中丞按裁之職被惡者多結怨永明中深彈吳興太守袁彖建武中彖從弟昂爲中丞到官數日奏彈深子續父在獄白幟車免官禁錮沖母孔氏在東鄰家失火疑爲人所焚熱大呼曰我三兒皆作御史中丞與人豈有善者方

恐肌分骨散何但焚如

沈曇慶懷文從父兄也父發員外散騎侍郎曇慶仕宋位尚書左丞時歲有水旱曇慶議立常平倉以救人急文帝納其言而事不行曇慶謹實清正所莅有稱績常謂子弟曰吾處世無才能惟作大老子耳世以長者稱之卒於祠部尚書

沈叔任吳興武康人赤黥子也少有幹質朱齡石伐蜀爲齡石建威府司馬平蜀之功亞於元帥以功封新寧縣男後拜益州刺史卒子演之

沈演之年十一尚書僕射劉柳見而奇之曰此童終爲令器沈氏家世爲將而演之折節好學日讀老子百遍

以義理業尙知名襲父別爵吉陽縣五等侯舉秀才爲
嘉興令有能名元嘉中加侍中上欲伐林邑朝臣多不
同惟廣州刺史陸微與演之贊成上意及林邑平賜羣
臣黃金生口銅器等物演之所得偏多上謂曰廟堂之
謀卿參其力平此遠夷未足多建第上清舊都鳴鑾東
岱不憂山河之不開也性好舉才申濟屈滯而謙約自
持帝賜女伎不受暴卒文帝痛惜贈金紫大夫諡曰貞
子睦位黃門侍郎演之兄子坦之仕齊爲都官郎坦之
子顗

沈顗字處黔幼清靜有志行慕黃叔度徐孺子之爲人
讀書不爲章句著述不尙浮華常獨處一室人罕見其

面從叔勃貴顯每還吳興賓客填謁顗不至其門勃就之顗送迎不越閭勃歎曰吾乃今知貴不如賤也顗內行甚修事母兄孝友兄昂一名顗亦退素以家貧仕爲始安令兄弟不能相離相隨之任顗素不事家產及昂卒逢齊末兵荒與家人并日而食或有饋其梁肉者閉門不受唯采葑苢根供食以樵采自資怡然不改其樂沈憲演之從祖弟子也祖說道巴西梓潼二郡太守父璞之北中郎將參軍憲少有幹局爲駕部郎宋明帝與憲恭謂曰卿廣州刺史才也補烏程令甚著政績太守褚彥回歎美以爲方員可施少府管掌煩冗材幹者並更其職憲以吏能累遷少府卿武陵王曄爲會稽以憲

爲左軍司馬齊高帝以山陰戶眾欲分爲兩縣武帝啟
曰縣豈不可御但用不得人耳乃以憲帶山陰令政聲
大著孔珪請假東歸謂人曰沈令料事特有天才

沈麟士字彥禎吳興武康人也祖膺期晉大中大夫父
虔之宋樂安令麟士幼而俊敏年七歲聽叔父岳言玄
賓散言無所遺失岳撫其肩曰若斯文不絕其在爾乎
及長博通經史存高尚之志親亡居喪盡禮服闋忌日
輒流涕彌旬居貧織簾誦書口手不絕鄉里號爲織簾
先生嘗爲人作竹誤傷手便流淚而還同作者謂曰此
不足損何至涕零答曰此本不痛但遺體毀傷感而悲
耳嘗行路鄰人認其所著屐麟士曰是卿屐耶卽跣而

反鄰人得屐送前者還之麟士曰非卿屐耶笑而受之
宋元嘉末文帝令僕射何尙之鈔撰五經訪舉學士縣
以麟士應選不得已至都尙之深相接及至尙之謂子
偃曰山藪故多奇士沈麟士黃叔度之流也豈可徵清
滑濁耶汝師之隱居餘不鄉吳羌山講經教授從學士
數十百人各營屋宇依止其側時人爲之語曰吳羌山
中有賢士開門教授居成市麟士重陸機連珠每爲諸
生講之征北張永爲吳興請麟士入郡麟士聞郡後堂
有好山水卽戴安道游吳興因古墓爲山池欲一觀之
乃往停數月永欲請爲功曹麟士曰明府德履冲素留
心山谷是以被褐負杖忘其疾病必欲飾渾沌以蛾眉

冠越客以文冕走雖不敏請附高節有蹈東海死耳不
忍受此黥劓永乃止麟士無所營求以篤學爲務恆憑
素几鼓素琴不爲新聲負薪汲水并日而食守操終老
讀書不倦遭火燒書數千卷年過八十耳目猶聰手鈔
寫火下細字書復成二三千卷滿數十篋時人以爲養
身靜默所致製墨蝶賦以寄意著周易兩繫莊子內篇
訓注易經禮記春秋尙書論語孝經喪服老子要略數
十卷梁天監中卒於家年八十五以楊王孫皇甫謐深
達生死而終禮矯俗乃自爲終制遺令氣絕剔被取三
幅布以覆屍及歛仍移布於屍下以爲歛服反被左右
兩際以周上不覆製覆被不須沐浴含珠以本裙衫先

著綳凡二服上加單衣幅巾屐枕棺中惟依此旣殯不復立靈座四節及祥權鋪地于地以設元酒之奠人家相承漆棺今不復爾亦不須旣成服後卽葬作冢令小後耐更作小冢於殯合葬非古也葬不須聚土成墳使上與地平王祥終制亦爾葬不須輜車靈舫魁頭也不得朝夕下食祭奠之法至於葬唯清水一杯子彝奉而行之州鄉皆稱歎焉

沈道虔吳興武康人也少仁愛好老易居縣北石山下孫恩亂後饑荒縣令庾肅之迎出縣南廢頭里爲立宅臨谿有山水可玩時復還石山精廬與孤兄子共釜庾之資困不改節受琴於戴逵王敬弘深貴重之郡州府

凡十二命皆不就有人竊其園菜外還見之仍自逃隱待竊者去後乃出人有拔屋後大筍令人止之曰惜此筍欲令成林更有佳者相與乃令人買大筍送與之盜者慚不取道虔使置其門內而還常以捃拾自資同招者或爭穢道虔諫之不止悉以其所得與之爭者媿慙後每事輒云勿令居士知

沈慶之字弘光吳興武康人少有志力晉末孫恩作亂使其眾寇武康慶之未冠隨鄉族擊之屢捷由是以勇聞元嘉十九年雍州刺史劉道產卒郡蠻大動征西司馬朱修之討蠻失利以慶之爲建威將軍率眾助修之失律下獄慶之專將進討大破緣沔諸蠻後爲孝武撫

軍中兵參軍孝武以本號爲雍州隨府西上征蠻寇屢
有功還都復爲廣陵王誕北中郎中兵參軍加建威將
軍南濟陰太守雍州蠻又爲寇慶之以將軍太守復隨
王誕入沔伐沔北諸山蠻大破之威震諸山羣蠻皆稽
顙慶之患頭風好著狐皮帽羣蠻惡之號曰蒼頭公每
見慶之軍輒畏懼曰蒼頭公已復來矣慶之引軍出前
後破降甚眾又討犬羊諸山蠻緣險作重城施門槽甚
峻慶之連營山下營中開門相通又令諸軍各穿池於
營內朝夕不外汲兼以備蠻之火頃之風甚蠻夜下山
人提一炬燒營火至輒以池水灌滅之蠻被圍守日久
竝飢乏自後稍出歸慶之前後所獲蠻竝移都下以爲

晉戶二十七年遷太子步兵校尉其年文帝將北侵慶
之諫曰道濟再行無功彥之失利而反今料王玄謨等
未踰兩將恐重辱王師上曰王師再屈別有所由道濟
養寇自資彥之中途痰動虜所恃唯馬夏水浩大泛舟
濟河碯礫必走滑臺小戍易可覆拔剋此二戍館穀弔
人武牢洛陽自然不固慶之固陳不可時丹陽尹徐湛
之吏部尙書江湛竝在座上使湛之等難慶之慶之曰
爲國譬如家耕當問奴織當問婢陛下今欲伐國而與
白面書生輩謀之事何由濟上大笑及軍行慶之副玄
謨進圍滑臺慶之與蕭斌留守碯礫仍領斌輔國司馬
玄謨攻滑臺積旬不拔魏太武大軍南向斌遣慶之將

五千人救玄謨慶之曰少軍輕往必無益也會玄謨退還斌將斬之慶之諫乃止蕭斌以前驅敗績欲絕死固礪礪慶之以爲不可會制使至不許退諸將竝謂宜留斌復問計於慶之慶之曰閩外之事將所得專制從違來事勢已異節下有一范增而不能用空議何施斌及坐者皆笑曰沈公乃更學問慶之厲聲曰衆人雖見古今不如下官耳學也玄謨自以退敗求成礪礪斌乃還歷城申坦垣護之共據清口慶之奔驛馳歸二十九年師復行慶之固諫不從以立議不同不使北出慶之居清明門外有宅四所室宇甚麗又有園舍在婁湖慶之一夜攜子孫徙居之以宅還官悉移親戚中表於婁湖

列門同開焉廣開田園之業每指地語人曰錢盡在此
中興身享大國家素富厚產業累萬金奴僮千計再獻
錢千萬穀萬斛以始興封優近求改封南海郡不許伎
妾十數人竝美容工藝慶之優游無事盡意歡愉自非
朝賀不出門每從游幸及校獵據鞍陵厲不異少壯太
子妃上孝武金鏤七筋及孟杓上以賜慶之曰觴酌之
賜宜以大夫爲先也上嘗歡飲曾令羣臣賦詩慶之麤
有口辨手不知書每將署事輒恨眼不識字上逼令作
詩慶之曰臣不知書請口受師伯上令顏師伯執筆慶
之於口受之曰微生遇多幸得逢聖運昌朽老筋力盡
徒步還南岡辭榮此聖世何媿張子房上甚悅眾坐竝

稱其辭意之美前廢帝卽位加慶之几杖給三望車一乘慶之每朝賀常乘豬鼻無轡車左右從者不過三五騎履行田園每農桑劇日無人從行遇之者不知三公也及加三望車謂人曰我每游履田園有人時與馬成三無人則與馬成二今乘此車安所之乎及賜几杖竝固讓柳元景顏師伯嘗詣慶之會其游田元景等鳴笳列卒滿道慶之獨與左右一人在田見之悄然改容曰夫貧賤不可居富貴亦難守吾與諸公竝出貧賤因時際會榮貴至此唯當共思損挹之事老子八十之年目見成敗者已多諸君炫此車服欲何爲乎於是插杖而芸不爲之顧元景等徹侍褰裳從之慶之乃與相對爲

歡慶之既通貴鄉里者舊素輕慶之者後見皆膝行而前慶之曰是故昔時沈公廢帝狂悖無道慶之猶盡言諫諍乃遣其從子攸之齎藥賜死時年八十慶之羣從姻戚由慶之在列位者數十人長子文叔位侍中慶之之死不肯飲藥攸之以被掩殺之文叔密取其藥藏錄乃飲藥自殺文叔子昭明位祕書郎聞父死曰何忍獨生亦自縊死

沈昭略字茂隆昭明之弟也永元中與叔父文季俱被召入華林省茹法珍等進藥酒昭略怒罵徐孝嗣曰廢昏立明古今令典宰相無才致有今日以醢投其面曰使爲破面鬼死時言笑自若了無懼容徐孝嗣謂曰見

卿使人想夏侯太初答曰明府猶憶夏侯便是方寸不能多密下官見龍逢比干■欣然相對霍光脫問明府今日之事何辭答之耶昭略弟昭光聞收兵至家人勸逃去昭光不忍捨母入執母手悲泣遂見殺昭明子曇亮已得逃去聞昭光死乃曰家門屠戮獨用生何爲又絕吭而死時人歎其累世孝義

沈文季字仲達文叔弟也以寬雅正直見知位中書郎父慶之遇害諸子見收文叔謂之曰我能死爾能報遂自殺文季揮刀馳馬去收者不能追遂免昇明元年沈攸之反齊高帝加文季冠軍將軍督吳興錢塘軍事初慶之之死也攸之求行至是文季收攸之弟新安太守

登之誅其宗族以復舊怨親黨無吹火焉君子以文季能報先恥

止泉之宋書云泉之吳興烏程人博學有才識著文章一百卷行於代歷龍鄉縣侯吳郡太守

吳達吳興人也經荒饑疾病闔門死者十有三人達時亦病篤其喪皆鄉里以葦席裹而埋之達夫妻既存家極貧窮冬無衣被晝則傭債夜燒磚甃晝夜在山未嘗休止遇毒蟲猛獸輒下道避之期年成七墓十三棺時有贈賻一無所受太守張崇義以羔羊之禮禮焉卒於家南史作吳興烏程人統記云又見宋略

右宋人

沈昇之南史吳興人也爲丹陽尹徐孝嗣故吏謂徐孝
嗣曰昇之與君俱有項領之功今一言而二功俱解豈
願聞之乎君受恩二祖而更參維新之政以君爲反覆
人事成則無處逃咎矣昇之草萊百姓言出禍已隨之
孰與超然謝病高枕家園則與松柏比操風霜等烈豈
不美耶孝嗣改容謝之

王仲起字子震吳興人也爲晉平太守清廉自立積彥
回歎曰目見可欲心不能亂此楊公所以遺子孫也仲
起位至廷尉卒

王冠先字道玄吳興烏程人也少有節義齊永明中位
給事中時求使蠕蠕國尙書令王儉言冠先雖名位未

升而行義甚重若爲行人則蘇武鄭眾之流於是使蠕蠕蠕蠕逼令拜冠先執節不從以刃臨之冠先曰能殺我者蠕蠕也不能以天子使拜我狄者我也遂見殺武宗以冠先不辱命賜其子雄錢一萬布三千匹

止靈鞠吳興烏程人也祖系祕書監父道眞護軍長史靈鞠少好學善屬文宋孝武殷貴妃亡靈鞠獻挽歌三首雲橫廣階閣霜深高殿寒帝摘句嗟賞褚彥回爲吳興太守謂人曰此郡才士唯有止靈鞠及沈勃耳嘗還東詣司徒褚彥回別彥回不起曰比腳疾更增不復能起靈鞠曰腳疾亦是大事公爲一代鼎臣不可復爲覆餗其疆切如此武帝卽位爲通直常侍尋領東觀祭酒

靈鞠曰人居官願數遷使我終身爲祭酒不恨也著江左文章錄序起太興訖元熙文集行於時子遲

正遲字希範八歲便屬文靈鞠嘗謂氣骨似我爲中書侍郎卒遲辭彩麗逸時有鍾嶸著詩評云范雲婉轉清便如流風回雪遲點綴映媚似落花依草雖取賤文通而秀於敬子其見稱如此

正仲孚字公信靈鞠從孫也少好學讀書常以中宵鐘鳴爲限靈鞠常稱爲千里駒也齊永明初爲國子生王儉曰東南之美復見正生爲山陰令居職甚有聲稱百姓謠曰二傅沈劉不如一正前世傅玳父子沈憲劉玄明相繼宰山陰並有政績言仲孚皆過之梁武帝踐祚

復爲山陰令仲字長於發摘善適權變吏人敬服號稱神明治爲天下第一累遷豫章內史在郡更厲清節頃之終詔贈給事中黃門侍郎喪將還豫章老幼號哭攀送車輪不得前仲孚爲左丞撰皇典二十卷南宮故事百卷又撰尙書具事雜儀行於世

王寂之字德元吳興烏程人年十七爲州西曹兼直主簿刺史王或行夜還前驅已至而寂之不肯開門曰不奉墨旨或乃於車中爲教然後開或歎曰不意郅君章近在閣下卽轉爲主簿專以廉潔御下於時丹陽縣令沈嶸之以清廉抵罪寂之聞之曰清吏真不可爲也政當處季孟之間乎

太史叔明吳興烏程人太史慈後也少善莊老兼通孝經論語禮記尤精三玄每講說聽者常五百餘人爲國子助教邵陵王綸好其學及出爲江州掾叔明之鎮王遷郢州又隨府所至輒講授故江州人士皆傳其學沈嶢之吳興武康人也性疏直爲丹徒縣令自以清廉不事左右浸潤日至遂鎖繫尙方歎曰一見天子足矣上召問曰復欲何陳答曰臣坐清所以獲罪上曰清復何以獲罪曰無奉承要人上曰要人爲誰嶢之以手板四面指曰此赤衣諸賢皆是若臣得更鳴必令清譽日至嶢之雖危言上亦不責後知其無罪量除丹陽令入縣界吏人候之謂曰我今重來當以人肝代米不然清

名不立

沈瑀字伯瑜吳興武康人也父昶事宋建平王景素景素謀反昶先去之及敗坐繫之獄瑀詣臺陳請得免罪司徒竟陵王子良聞瑀名引爲府行參軍領揚州部傳從事時建康令沈徽恃勢豪瑀瑀以法繩之衆憚其強子良甚相知賞雖家事皆以委瑀子良薨瑀復事刺史始安王遙光常使送人丁速而無怨遙光謂使吏曰爾何不學沈瑀所爲乃令瑀專知州獄事湖熟縣方山埭高峻冬月公私行旅以爲艱明帝使瑀行修之瑀乃開四洪斷行客就作三日便辦揚州書佐私行詐稱州使不肯就作瑀鞭之四十書佐歸訴遙光遙光曰沈瑀必

不枉鞭汝覆之果有詐明帝復使瑀築赤山塘所費減材官所量數十萬帝益善之爲建德令教人一箇種十五株桑四株柿及梨栗女子丁半之人咸懽悅頃之成林帝卽位雲深薦瑀自旣陽令擢兼尙書右丞時天下初定陳伯之言瑀旣督運輸軍國獲濟帝以爲能遷尙書駕部郎兼右丞如故瑀薦族人沈僧隆僧照有吏幹帝竝納之以母憂去職起爲餘姚令縣大姓虞氏千餘家請謁如市前後令長莫能絕自瑀到非訟訴無所通以法繩之縣南有豪族數百家子弟縱橫遞相庇蔭厚自封植百姓甚患之瑀召其老者爲石頭倉監少者補縣僮皆號泣道路自是權右屏迹瑀初至富吏皆鮮衣

美服以自彰別瑀怒曰汝等下縣吏何得自擬貴人悉使著芒屨麤布侍立終日足有蹉跌輒加榜捶瑀微時嘗至此鬻瓦器爲富人所辱故因以報焉後爲安南長史尋陽太守江州刺史曹景宗卒仍爲信威蕭穎達長史太守如故瑀性屈強每忤穎達穎達銜之天監八年因入諮事辭又激烈穎達作色曰朝廷用君作行事邪瑀出謂人曰我死而後已終不能傾側面從是日於路爲人所殺多以穎達害焉子續累訟之遇穎達尋卒事不窮竟續乃布衣蔬食終其身

王文殊字令章吳興故鄣人也父沒魏文殊思慕泣血終身蔬食不衣帛服麻縕而已歲時伏臘月朝十五未

嘗不北望長悲如此三十餘年太守孔琇之表其行政其居爲孝行里

右齊人

正師施南史云吳興人以廉潔稱罷臨安縣還唯有二十籠簿書竝是食庫券帖當時以比范述曾位至臺郎吳筠字叔庠吳興故鄣人好學有俊才文體清拔好事者或數之謂爲吳筠體柳惲爲吳興召補主簿日引與賦詩

沈浚字叔源吳興武康人也祖憲浚少涉學有材幹仕梁歷山陰吳建康三縣竝有能名太清二年累遷御史中丞時臺城爲侯景所圍外援竝至景表請和簡文使

浚往景所景曰卽日向熱非復行時政欲立效求停君
可見爲申聞浚曰大將軍此意意在得城下風所聞久
已乏食城內雖困尙有兵糧朝廷恐和好乖貳已密敕
外軍若臺城傾覆勿以二宮爲念當以死雪恥若不能
決戰當深壁自守大將軍十萬之衆將欲何資景橫刀
於膝瞑目叱之浚乃正色責景曰河南王人臣而舉兵
向闕今朝廷已赦王罪結盟口舌未乾而復翻背沈浚
六十之年且天子使也奉命而行何用見脇徑去不顧
景歎曰眞司直也

沈崇僚字思整吳興武康人也父懷明宋兗州刺史崇
僚六歲丁父憂哭踊過禮及長事生母至孝家貧常傭

書以養天監二年太守柳惲辟爲主簿崇儔從惲到郡
還迎其母未至而母卒崇儔以不及侍疾將欲致死水
漿不入口晝夜號哭旬月殆將氣絕兄弟謂曰殯葬未
申遽自毀滅非全孝道也崇儔心悟乃稍進食母權瘞
去家數里哀至輒之瘞所不避雨雪每倚墳哀慟飛鳥
翔集夜恆有猛獸來望之有聲狀如歎息者家貧無以
遷厝乃行乞經年始獲葬焉旣而廬於墓側自以初行
喪禮不備復於葬後更行服三年久食麥屑不噉鹽酢
坐臥於單薦因虛腫不能起郡縣舉至孝梁武聞卽遣
中書舍人慰勉之乃詔令釋服擢補太子洗馬旌其門
閭崇儔奉詔釋服而涕泣如居喪固辭不受官乃除永

寧令自以祿不及養哀思不自堪未至縣卒

沈峻字士嵩吳興武康人也家世農夫至峻好學與舅太史叔明師事宗人沈麟士門下積年晝夜自課睡則以杖自擊其篤志如此遂博通五經尤長三禮爲國子助教兼五經博士於館講授聽者常數百人及中書舍人賀琛奉敕撰梁官乃啟峻及孔子祛補西省學士助撰錄書成入兼通中書通事舍人出爲武康令卒官峻子文阿

沈文阿字國衛性剛強有膂力少習父業研精章句祖舅太史叔明舅王慧興竝通經術而文阿頗傳之又傳采先儒異同白爲義疏通三禮三傳位五經博士梁簡

文引爲東宮學士及撰長春義記多使文阿撮異聞以
廣之紹泰元年入爲國子博士尋領步兵校尉兼掌儀
禮自太清之亂臺閣故事無有存者文阿父峻梁武帝
時常掌朝儀頗有遺藁於是斟酌裁撰禮度皆自出之
及陳武帝受禪文阿輒棄官還武康帝大怒發使往誅
之時文阿宗人沈恪爲郡請使者寬其死卽面縛鎖頸
致於上前上視面而笑之曰腐儒復何爲者遂赦之所
撰儀禮八十餘條春秋論語禮記孝經義記七十餘卷
經典大義十八卷竝行於時儒者多傳其學

沈約字休文吳興武康人也少篤志好學晝夜不釋卷
母恐其以勞生疾常遣減油滅火而晝所讀夜輒誦之

遂博通羣籍善屬文濟陽蔡興宗聞其才而善之及爲
郢州引爲安西外兵參軍兼記室興宗嘗謂諸子曰沈
記室人倫師表宜善師之及爲荊州又爲征西記室帶
關西令齊初爲征虜記室帶襄陽令所奉主卽齊文惠
太子太子入居東宮爲步兵校尉管書記直永壽省校
四部圖書時東宮多士約特被親遇每旦入見景斜方
出時王侯到宮或不得進約每以爲言太子曰吾生平
嬾起是卿所悉得卿談論然後忘寢卿欲我速興可恆
早入梁武帝在西邸與約遊舊建康城平引爲驃騎司
馬帝曰我起兵於今三年矣功臣諸將實有其勞然成
帝業者乃卿與范雲也梁臺建爲散騎常侍吏部尙書

兼右僕射及受禪爲尙書僕射封建昌縣侯又拜約母
謝氏爲建昌國太夫人奉策之日吏部尙書范雲等二
十餘人咸來致拜朝野以爲榮約性不飲酒少嗜慾雖
時遇隆重而居處儉素立宅東田矚望郊阜嘗爲郊居
賦以序其事尋加特進遷中軍將軍丹陽尹侍中特進
如故十三年卒官年七十三諡曰隱約左目重瞳子腰
有紫志聰明過人好墳籍聚書二萬卷都下無比少時
常以晉氏一代竟無全書年二十許便有撰述之意宋
泰始初征西將軍蔡興宗爲啟明帝有敕許焉自此踰
二十年所撰之書方就凡一百餘卷條流雖舉而采綴
未周永明初遇盜失第五帙又齊建元四年被策撰國

史永明二年又兼著作郎撰次起居注五年春又被敕撰宋書六年二月畢功表上之其所撰國史爲齊記二十卷天監中又撰梁武記十四卷又撰邇言十卷謚例十卷文章志三十卷文集一百卷皆行於世又撰四聲譜以爲在昔詞人累千載而不悟而獨得胸襟窮其妙旨自謂人神之作武帝雅不好焉嘗問周捨曰何謂四聲捨曰天子聖哲是也然帝竟不甚遵用

沈旋字士規約之子也襲爵位司徒右長史太子僕射以母憂去官因蔬食辟穀服除猶絕秬粱終於南康內史

沈眾字仲興旋之弟也好學頗有文辭仕梁爲太子舍

人時梁武帝制千文詩衆爲之注解與陳郡謝景同時
召見於文德殿帝令衆爲竹賦賦成奏之手敕答曰卿
文體翩翩可謂無忝爾祖累遷太子中書舍人

沈恪字子恭吳興武康人也深沈有幹局文帝襲東陽
州刺史張彪以恪監吳興郡武帝受禪時恪自吳興入
朝武帝使中書舍人劉師知引恪令勒兵入因衛敬帝
如別宮恪排闥入見武帝叩頭謝曰恪身經事蕭家來
今日不忍見此事寧受死爾決不奉命武帝嘉其意不
復逼宣帝卽位除平越中郎將都督廣州刺史恪未至
嶺前刺史歐陽紇舉兵拒險不得退兵荒之後爲特進
金紫光祿大夫卒

沈炯字初明吳興武康人也祖瑀梁尋陽太守父續王府記室參軍炯少有俊才爲當時所重仕梁爲尚書左戶侍郎魏剋荊州被虜甚見禮遇授儀同三司以在東恆思歸國恐以文才被留閉門卻埽無所交接時有文章尋卽棄毀不令流布嘗獨行至漢武通天臺爲表奏之陳己思鄉之意其夜夢至宮禁之所兵衛甚嚴炯便以情事陳訴聞有人言甚不惜放卿還幾時可至少日便與王克等竝獲東歸歷司農卿御史中丞陳武帝受禪加通直散騎常侍表求歸養詔不許文帝嗣位又表求去詔答曰當敕所司相迎尊累使卿公私無廢也初武帝嘗稱炯宜居王佐軍國大政多預謀謨文帝又重

其才欲寵貴之會王琳入寇東境帝欲使炯因是立功
乃解中丞加明威將軍遣還鄉里收徒眾以疾卒於吳
中

沈洙字宏道吳興武康人也祖休季梁餘杭令父山卿
梁國子博士中散大夫洙少方雅好學不妄交游通三
禮春秋左氏傳精識強記五經章句諸子史書問無不
答仕梁爲尚書祠部郎時年二十餘大同中學者多涉
獵文史不爲章句而洙獨積思經術吳郡朱昇會稽賀
琛甚嘉之及昇琛於士林館講制旨義常使洙爲都講
沈重字德厚吳興武康人也性聰悟專心儒學博覽羣
書尤明詩及左氏春秋梁元帝之在藩也甚欽異之及

卽位遣何武迎重西上魏平江陵重留事後梁蕭譽累
遷都官尙書重學業該博爲當世儒宗後周大象中來
朝京師隋開皇二年卒贈開府儀同三司

姚察字伯審吳興武康人也吳太常卿信之九世孫也
父僧坦梁太醫察幼有至性六歲誦書萬餘言不好戲
弄勵精學業十二能屬文僧坦精醫術知名梁代二宮
所得供賜皆回給察兄弟爲游學之資察竝用聚蓄圖
書由是聞見日博年十三梁簡文帝時在東宮盛修文
義卽引於宣猷堂聽講論難爲儒者所稱大建初補宣
明殿學士尋爲通直散騎常侍報稱於周江左者舊先
在關內者咸相傾慕沛國劉臻竊於公館訪漢書疑似

者事十餘條竝爲剖析皆有經據臻謂所親曰名下定
無虛士著西聘道理記還補東宮學士遷尙書祠部侍
郎舊魏王肅奏祀天地設宮懸之樂八州之舞爾後因
循不革至梁武以爲事人禮縟事神禮簡古無宮懸之
文陳初承用莫有損益宣帝欲設備樂付有司立儀以
梁武爲非時碩學名儒朝端在位咸希旨注同察乃博
引經籍獨違羣議據梁武爲是當時驚駭莫不慚服僕
射徐陵因改同察議其不順時隨俗皆此類也後歷仁
威淮南王平南建安王二府諮議參軍初梁室淪沒察
父僧坦入長安察蔬食布衣不聽音樂至是凶問因聘
使到江南時察母宮氏喪制適除後主以察羸瘠慮加

毀頽乃密遣中書舍人司馬申就宅發哀仍敕申專加
譬抑察既累居憂職齋素日久因加氣疾後主嘗別召
見爲之動容命停長齋令從晚食察自居顯要一不交
通嘗有私門生不敢厚餉送南布一端花練一匹察謂
曰吾所衣著止是麻布蒲練此物於我無用旣欲相款
幸不煩爾此人遜請察厲色驅出自是莫敢饋遺陳亡
入隋詔授祕書丞別整成梁陳二史又敕於朱華閣
長參文帝知察蔬菲別日獨召入內殿賜果菜指謂朝
臣曰聞姚察學行當今無比我平陳惟得此一人後母
杜氏喪解職在服制之中有白鳩巢於戶上仁壽二年
詔除員外散騎常侍晉王侍讀煬帝卽位授太子內舍

人及改易衣冠刪定朝式預參問對大業二年終於東都遺命薄葬以松板薄棺纔可容身土周於棺而已葬日止鹿車卽送厝塋北不須立靈置一小牀每日設清水一杯祭日設齋食菜果任家有無不須別經營也祭至孝有人倫鑒識沖虛謙遜不以所長矜人專志著書白首不倦所著漢書訓纂三十卷說林十卷建康二鍾等記各一卷文集二十卷所撰梁陳史雖未畢功隋開皇中文帝遣中書舍人虞世基索本且進臨亡戒子思廉撰續

沈顗梁典云武康人也隱居小山小山在武康之北徵散騎常侍不就弟顗亦有兄之風累徵不起時人嘉之

右梁人

胡穎字方秀吳興人也偉姿容性寬厚梁末除豫章內史陳武帝鎮京口齊遣郭元建出東關武帝令穎率府內驍勇隨侯瑱於東關大破之後從武帝襲王僧辯又隨周文育於吳興討杜龕武帝受禪兼左衛將軍天嘉元年除散騎常侍吳興太守卒官謚曰壯後二年配享武帝廟廷

沈君理字仲倫吳興人也美風儀博涉有識鑒陳武帝鎮南徐州君理致謁深見器重後爲吳郡太守以幹理見稱弟君高字季高少知名性剛直有吏能爲廣州刺史甚得人和弟叔邁亦方正有幹局位通直散騎常侍

章華字仲宗吳興人也好學善屬文後主時除大市令
非其所好乃辭以疾後上書極諫書奏後主大怒斬之
沈德威字懷遠少有操行以禮學自名梁太清末遷於
天目山築室以居雖處亂離而篤學無倦天嘉元年召
出都爲國子助教每自學還私室講授道俗受業數百
人南史儒林傳沈德威以禮學自命吳興沈文阿王元
規少從受業

錢道戢字子韜吳興長城人也父景深梁漢壽令道戢
少以孝行著聞及長頗有材幹陳武帝微時以仲妹妻
爲武帝輔政道戢隨文帝平張彪於會稽以功拜東徐
州刺史永安縣侯天嘉元年爲臨海太守侯安都之討

留異道戢帥軍出松陽以斷其後異平以功拜都督衡
州刺史領始興內史後與章昭達討歐陽紇紇平除左
衛將軍大建二年又隨昭達征江陵以功加散騎常侍
後爲都督郢州刺史與儀同黃法鄭攻下歷陽因以道
戢鎮之卒官諡曰肅子逸嗣

章昭達字伯通吳興武康人也性倜儻輕財尙氣少時
遇相者謂曰卿容貌甚善須小虧則當富貴梁大同中
昭達爲東宮直後因醉墜馬鬚角小傷昭達喜之相者
曰未也侯景之亂昭達率鄉人援臺城爲流矢所中眇
其一目相者見之曰卿相善矣不久當富貴臺城陷昭
達還鄉里與陳文帝游因結君臣分侯景平文帝爲吳

興太守昭達杖策來謁文帝見之大喜因委以持節恩寵超於儕等陳武帝謀討王僧辯令文帝還長城招聚兵眾以備杜龕頻使昭達往京口稟承計畫僧辯誅後杜龕遣其將杜泰來攻長城昭達因從文帝進軍吳興以討龕龕平又從討張彪於會稽剋之累功除定州刺史時留異擁眾據東陽武帝患之乃使昭達爲長山令居其心腹天嘉元年追論長城功封新樂縣侯尋隨侯安都拒王琳昭達乘平虜大艦中流而進先鋒發拍中賊艦王琳平昭達策勳第一二年除都督郢州刺史周迪據臨川反詔昭達便道征之迪敗走徵爲護軍將軍改封邵武縣侯四年陳寶應納周迪其寇臨川又以昭

達爲都督討迪迪走昭達乃踰嶺討陳寶應與戰不利
因據上流爲筏施拍其上壞其水柵又出兵攻其步軍
方大合戰會文帝遣余孝頃出自海道適至因并力攻
之遂定閩中蓋揜留異寶應以功授鎮軍將軍開府儀
同三司歐陽紇據嶺南反詔昭達都督眾軍征之紇聞
昭達奄至乃出頓沂口聚沙石盛以草籠置於水柵之
外用遏舟鑑昭達居其上流裝艦追迫以臨賊柵又令
人銜刀潛行水中以斫竹籠籠篾皆解因縱大艦突之
大敗紇揜之送都廣州平進位司空大建二年征江陵
時梁明帝與周軍大蓄舟艦於青泥中昭達分遣偏將
錢道戢程文季乘輕舟焚之周又於峽口南岸築壘名

安蜀城於江上橫引大索編葦爲橋以廣軍糧昭達乃
命軍士爲長戟施接船上仰割其索索斷糧絕因縱兵
攻其城降之三年於軍中病薨贈大將軍昭達性嚴刻
每奉命出征必晝夜倍道然其所剋必推功將帥廚膳
飲食並同羣下將士亦以此附之每飲會必盛設女伎
雜樂備羌胡之聲音律姿容竝一時之妙雖臨敵勿之
廢也四年配享文帝廟廷

沈不害字孝和吳興武康人也幼孤而修立好學陳天
嘉初除衡陽王府中記室參軍兼嘉德殿學士自梁季
喪亂至是國學未立不害上書請崇建儒官帝優詔答
之又表改定樂章詔使制三朝樂歌詞八首命二十四

行之樂府後爲國子博士領羽林監敕修五禮掌策文
諡議等事大建中位光祿卿通直散騎常侍東向書左
丞卒不害通經術善屬文雖博綜經典而家無卷軸每
製文操筆立成曾無尋檢汝南周弘正常稱之曰沈生
可謂意聖人乎著五儀禮一百卷文集十四卷子志道
右陳人自宋至陳四代之諸邑視晉無大更幸而
人物視古爲盛其事跡見於史傳者亦繁旣已登
載其他亦不出於五姓之系又附見著姓下今不

別錄

沈光大業中帝伐遼召詣行在所光誓曰若不能建功
立名當死於高麗尋與賊力戰拜朝請大夫後死於江

都之難時年二十八見統記

右隋人郡至隋而再廢諸縣分屬蘇杭等州其名者特四年爾人物牢落如此無足怪也

錢起唐史云吳興人與河中盧綸鄱陽吉中孚南陽韓翃廣平司空曙苗發崔峒耿緯夏侯審李端皆能詩齊名號大歷才子天寶中舉進士與郎士元俱有聲時語曰前有沈宋後有錢郎終考功郎以後事並見唐史沈伯儀湖州吳興人武后時爲太子右諭德議郊丘配祀禮請以高祖配園丘方澤太宗配南北郊高宗配五天帝又元萬頃等議詩昊天章二后受之易薦上帝祖考有兼祀義高祖太宗旣光配五祀當如舊請奉高宗

歷配焉自是郊丘三帝並配焉云伯儀歷修文館學士
續圖經曰唐書云湖州吳興人疑烏程爲縣史氏不書
舊經載郡治烏程吳興兩縣但不得廢置之詳耳

錢九隴字冰業湖州長城人父文彊爲吳明徹裨將與
明徹俱敗彭城入隋以罪沒爲奴故九隴事唐公善騎
射常備左右兵起以功授金紫光祿大夫從戰薛仁杲
劉武周累擢爲右武威將軍從平洛陽佐皇太子建成
討劉黑闥魏州力戰破賊以功最封郇國公改巢國卒
諡曰勇陪葬獻陵

徐齊暉字將道湖州長城人八歲能文太宗召試賜所
佩金削刀舉弘文生調曹王府參軍累進西臺舍人咸

亨初詔突厥酋長子弟得待東宮齊晤上書諫以爲甞
裘冒頓之裔解辨削衽使在左右非所謂恭慎威儀以
近有德任官惟賢才左右惟其人之義又長孫無忌以
纔死家廟毀棄齊晤言於帝曰齊獻公陛下外祖雖後
嗣有罪不宜毀及先廟今周忠孝公廟反崇飾踰制恐
非所以示海內帝寤有詔復獻公官以無忌孫延主其
祀齊晤善文諾帝愛之令侍皇太子及諸王屬文子堅
徐堅字元固幼有敏性沛王聞其名召見授紙爲賦異
之十四而孤及壯寬厚長者舉秀才及第爲汾州三軍
事聖歷東都留守楊再思王方慶其引爲判官方慶善
於禮樂嘗就質疑晦堅爲申釋常得所未聞屬文典厚

再思每目爲鳳閣舍人樣與徐彥泊劉知幾張說修三教珠英時張昌宗李嶠總領彌年不下筆堅與說專意綜撰條彙初立諸儒因之乃成書累遷給事中封慈源縣子

中宗怒韋月將欲卽斬之堅奏盛夏生長請須秋乃決時申敘者亦畧得以榜死太平公主用事武攸暨屢邀請堅堅不許又以妻岑義女弟固辭機密轉太子詹事曰吾非求高逃禍耳義敗不染於惡元宗改麗正書院爲集賢院以堅充學士副張說知院事帝大酺集賢帳舍在百司上說令揭大榜以侈其寵堅見遽命撤之曰君子烏取多尙人從上泰山以參定儀典加光祿大夫堅於典故多所諳識凡七當撰次高選卒年

七十餘帝悼惜遣使就弔贈太子少保諡曰文子嶠
徐嶠字巨山開元中爲駕部員外郎集賢院直學士進
中書舍人內供奉河南尹封慈源縣公父子相次爲學
士自祖及孫三世爲中書舍人

孟郊字東野湖州武康人少隱嵩山性介少諧合韓愈
一見爲忘形交年五十得進士第調溧陽尉縣有投金
澗平陵城林薄蒙翳下有積水郊間往坐水旁裴回賦
詩鄭餘慶爲東都留守署水陸運判官餘慶鎮興元奏
爲參謀卒年六十四張籍諡曰貞曜先生郊爲詩有理
致最爲愈所稱然思苦奇澀李觀亦論其詩曰高處在
古無上平處下顧二謝云吳興詩有湖州敢解述請一

首

沈傳師吳興統記云德清縣人貞元十九年進士及第二十年登制科儒學文藝爲一時冠圖經云吳興統記所載如此必有所本而唐史以爲蘇州吳人豈後所徙耶宋王文公作沈主簿墓表云武康之族類久至唐有旣濟者爲禮部員外郎生傳師爲尚書吏部侍郎當是時雖已割武康爲德清文公蓋推本言之證據必確史氏所傳不無誤也以後事並見統記

包融吳興人制舉擢第有才名官至集賢院學士融子何起居舍人佶刑部侍郎時有同郡萬齊融與會稽賀朝河內荊臣悉富才學名冠當時時謂包萬荊賀見統

記又云融烏程人唐書藝文志包融注云潤州延陵人亦如沈傳師唐書云吳人恐後所徙也

沈懷文吳興人舉孝廉爲休寧主簿丁母憂三年廬墓側手植松柏二千株每一號慟衆烏爲之哀鳴翔集墓木山中舊多虎自此乃絕統記云唐人時又有沈嶠烏程人鄉舉秀才丁父憂六年廬墓不櫛不沐鹹酸不入口哭則歐血刺血書經年三十二歲有文集十卷又有沈景筠烏程人母懼雷及卒葬宅西每雷發則奔至墓所輒號哭云景筠在此賀知章爲撰孝德傳事見沈氏家譜又有于元損父母卒廬墓四十三年墳側生芝草九莖武后詔表門閭又有施廷皎安吉福鄉人自長壽

二年三代其居大歷六年敕旌表門閭闊七尺五寸高一丈二尺又有陳承堅年九歲大中三年母亡葬後廬墓所墳前生芝草三莖敕旌表門閭見統記

沈綜吳興武康人年十四察孝廉上吏部尚書嚴挺之主銓衡書於廳壁時又有沈志廉年八歲誦尚書毛詩通大義年四十察孝廉官至大中大夫竝見統記

沈務本吳興人務本官至給事中子利賓利賓子志志子達四世進士及第又有沈希義進士及第性剛直嘗渡京口江船欲覆乃拔劍叱怒風爲之息又沈頌亦進士第又有沈如筠有正聲集詩三百首有曰陰陽燕舊都美人花不如吏部侍郎盧藏用常諷誦之

沈孝澄吳興武康人學通九經官至國子博士子山之
通禮傳訓詁官至校書郎山之子豪之通詩禮舉孝廉
皆以儒術著名又有沈存誠貞觀中進士及第官至錢
唐尉沈房大歷中進士及第官至監察御史沈待聘官
至弘文館學士沈士彌東宮博士沈雅溧陽令沈大禮
濮陽令沈庠監察御史沈徽偃師尉並以儒學著名
褚沖吳興長城人學通禮易鄉貢明經授奉化簿辭官
歸耕觀察使李栖筠表授國子助教賜緋清河房徽天
水閭伯筠並師之

沈徵先賢傳云沈法興之孫太子文學承家之子博學
知古隱江口山峰孝弟力田累徵不起縣令韋承慶改

其所居爲茂德鄉

沈長封沈氏家傳云長封吳興武康人唐鄉貢秀才歷
婺州金華尉金華有亭松子澗者昔黃初平葛法劉陵
等悉居是澗長封結茅種朮攜家隱居著道書數百卷
卒

右唐人唐初爲縣四後又置德清三百年間人物
見於史冊者反不逮昔蓋唐都長安東南人物之
仕顯者率遷邇焉歲久而爲土著如姚思廉元宗
吳太常卿時之後也譜系甚明唐史傳思廉云京
兆萬年人元崇云陝州人此類眾矣宜其人物之
寥落也抑惟我宋列聖相仍加意教育本郡人物

視古爲盛高宗龍渡駐蹕臨安實爲憑輔寓公益
多聲華相望史不輟書而國史尊門疏遠不得而
見鄉先生之行實愚陋未能盡知尙有俟於續編
也

吳興志卷十六